

رواية

كيف أحببتك!

الكاتبة/سمية مصطفى

اهداء الي.....

كل من انعزلوا عن الواقع وذهبوا الي عالم اخر يملأه الوهم و
الخيال والوحدة وافتقدوا الحب ودمروا انفسهم واصبحوا
اموات علي قيد الحياة بسبب اشياء تافهة يبرأ الواقع منها و
لا تمت له بأي صلة

وسجنوا انفسهم واغلقوا ابوابهم علي قلوبهم نظرا لخيال
كانو يحلمون به لكي يتحقق وليس واقع امامهم يرونه
يشموناه؛ يحسونه؛ يقضون فيه كل حياتهم.....

هو السوشيال ميديا الذي ما زال الان يؤثر علي الشباب
وسيؤثر علي الاجيال القادمة ان لم نضع حد له!!! فشبابنا
في خطر وليست العقول ناضجة لتعي هذا وفي هذا
المجتمع البائس الذي لا يعطي قيمة للاشخاص ولا يقدرهم و
الاحلام التي يتطلع اليها شبابنا التي تتحطم بسبب كل هذه ال
لاسباب واكثر؛ تجعل الشباب يهربون من واقعهم ويذهبون
الي الخيال واحلام اليقظة ويبنون قصورا في الهواء وفي
النهاية يحطمون انفسهم وهم لم يضعوا اساس لهذه القصور
ولا يعرفون ايضا طريقة البناء وتربية الاسرة التي لم تشمل
الحنان والوعي الكافي بالشباب كل هذه الاسباب كانت ولا ز
الت تؤثر علي الحياة والعقول والعمر الذي يمر هدر دون الا
نتفاع به

الفصل الأول

مريم لسة عاملة اكونت جديد علي الفيس بوك ودخلت عالم السوشيال ميديا ؛ مريم بنت عندها 17 سنة في سنة تانية ثانوي عام مدرسة جمال عبدالناصر حلمها الالتحاق بكلية الا علام ؛ مرحة وجميلة واخلاق وذوق...

قعدت مريم بتبعت طلبات صداقة لكل اصحابها وقرابها كانت فرحانة وهي بتكلمهم وبتسأل عليهم كانت طول الوقت بتكلم ندي صاحبها الانتيم؛ ندي نفس سنها تتميز بـ الحكمة والهدوء ؛تعشق الرسم وحلمها ان تلتحق بكلية الفنون التطبيقية؛ بعنت ندي رسالة لمريم

-روما ازيك نورتي عالم السوشيال ميديا ياروحي

-حبيبتي ياندوش والله وحشاني

-وانتي كمان ؛ دنا مصدقتش والله لما لقيت مريم منصور بعثالي اد

-لا صدقي انا محدش يتوقعني

-ههههههههه عموما مبروك ونورتي صفحتي ياقلبي

-الله يبارك فيكي

-بقولك صح

-اي؟

-مش اي حد تقبلية ولا تنزلي صورك عشان في ولاد بيعملو
ايميلات بنات وكدا ومتكلميش حد ومتضيفيش شباب
-انا بعنلكم انتو بس واللي يعرفوني واعرفهم ؛ لا متخافيش
-تمام ؛ هقفل انا بقي عشان هنزل اجيب لماما حاجة من
تحت

-سلام

-سلام

قعدت مريم تتفرج علي منشورات وصور الاصدقاء وقالت
ف نفسها* الله مهو الناس حاطة صورها عادي اهو!!!*
بدات تنضم لجروبات الفيس وتعلق عند قرايبها واصحابها
وتنشر علي صفحتها وكانت حاسة بالفرحة؛ "طبعا مهني اول
مرة"

تعلق مريم علي بوستات الجروبات لدرجة انها قعدت ثلاث
ساعات متواصلة*مهني مش وراها حاجة هي في فترة الا
جازه بقي !*

تدخل امها عليها وهي قاعدة في اوضتها بهدوم البيت
وشعرها الطاير من الهوا....

والدة مريم "سعاد" -اي يامريم هتفضلي قاعدة كدا كل دا؟
-اعمل اي يعني ياماما منا مش بخرج ولا بعمل اي حاجة و
الشقة روقتها وغسلتك المواعين وعملت كل حاجة في

الشقة

حتى اميرة ومروة مش بيعملو كدا وعندهم ايميلات وبيعملو
اللي هوما عاوزينه وبيكلمو صحابهم ؛ يعني اميرة بتكلم
صحابها اللي في الجامعة وكمان خطيبها محمد واخر سنة
ليها في اقتصاد وعلوم سياسية ومروة في تالته اعدادي
اصغر مني يعني المفروض انهم يعملو بس انا مبتكلمش

-يا بنتي انا والله عشان ضهرك ميوجعكيش من القاعدة
وكمان الفيس دا وحش وعليه ناس مش كويسة

-ياماما مهوما عندهم وكل الناس عندها اشمعنا انا ؟

-هما عندهم من بدري انتي لسة اول مرة

-وبعدين انا عارفة وفاهمة فيه متقلقيش انا ضيفت اهلي
واصحابي بس

-واثقة فيكي والله يا حبيبتي

.....

اثناء حديث مريم ووالدتها جاء والد مريم الحاج "منصور"
من عمله قائلا

-السلام عليكم

-وعليكم يا حبيبي

-طبعا يا مريم انتي ليكي هدية عندي بمناسبة انك نجحتي
وجيبتي درجات حلوة

-طبعا عارفة

-هههههههه اي اللماضة دي بقي طب مفيش

-لا لا خلاص

-خدي يا حبيبتى مبروك عليكى

-يالهورى اى دا يابابا تليفون ؛ الله دا جميل اوى ؛ حبيبتى يابابا
ميحرمينش منك ابدآ

-الف مبروك عليكى يا حبيبتى انتى اتجدعنى كل سنة وانا
اجيبلك اللي انتى عاوزاه

-دا "oppo" كمان اول مشطح انطح كدا

-هههههههه يخربيتك ويخربيت الفاظك

-هههههههه ربنا ميحرمنى منك يارب

"سعاد" -الله الله وانا ماليش الكلمة دي ولا اى

"مريم" -وانتى كمان ياعمري وحياتى كلها

-طب بابا انا عاوزة فلوس بقى انزل اشترى خط وارن على
ندى واصحابى وافرحهم

-جايبلك الخط وكمان مميز واتصالات كمان عشان تعرفى
تكلمينا كلنا

-لا كدا كتير بقى يا خرابى ؛ هو فين ؟

-هتلاقىه عندك فى اللعبة بتاعة التليفون ومقصوص كمان

-ماشى

قعدت مريم تقلب فى التليفون وسجلت الدخول لشبكة

"مروة" - وانتى مالك يارخمة

"مريم" - صح وانا مالي منا المرمطورة بتاعت البيت

"اميرة" -بس بقي مش عارفة اتكلم في التليفون

"مريم" -عموما انا هنام

"مروة" - تصبحي علي خير ياستي

"مريم" - وانتى من اهل الخير ياختي

قامت مريم علي صوت واهتزاز التليفون لتري رقم ندي
يتصل مجيبة علي الاتصال؛...

-قومي ياست مريم انا تحت البيت عندك

-الو؛ مين؟ ندي ! هممم

-لا انتى مش فايقة خالص انا هطلع اصحيكي بقي الساعة
11 ياهانم

-ياست ابوس ايدك روحي وتعالى بعدين

-اه يابنت ال ماشي؛ عموما انا اللي برن الجرس

-هممممم

-بت انتى نمتي ؟

فتحت "سعاد" لندي "الباب

-اتفضلي يا حبيبتي عاش مين شافك

-ازيك ياطنط عاملة اي؟

"مروة- انا ياماما اتفقت مع المدرسين وقالولي هبدا من يوم
الحد الجاي دا

"الحاج منصور" - اتفقتي معاهم كلهم يعني

"مروة" - اه وهناخد عند واحدة صحبتي في البيت بتاعها
كل المواد

"سعاد"- ربنا معاكو كلكم

"اميرة" - وانا خلاص محمد سأل صحابو عن المصاريف
بتاعة الجامعة امتي عشان ننزل ندفعها وهو مصمم يدفعلي
معاه

"الحاج منصور" - لا ميصحش لما تبقي في بيته يبقي يعمل
كدا ؛ انا هبقي اكلمه في الموضوع دا

"اميرة" - لا يابابا والنبي متقولهوش عشان ميفتكروش اني
بقول علي كل حاجة

"الحاج منصور"- لا ازاي يعني ؛ طيب اقنعيه مبيئك ومبيينه
"سعاد"- وانتي يا مريم هتعملي اي

"مريم"- انا اتفقت انا وندي ان شاء الله من الاسبوع الجاي
"سعاد"- ربنا يوفقكم كلكم

بعد نص ساعة استأذنت ندي عشان تمشي

مسكت مريم تليفونها وبدأت تتكلم مع صحابها علي الفيس و
الواتساب وبعثت رسالة لندي عشان تظمن علي وصولها
البيت....

الفصل الثاني

وهي قاعدة بتعلق في الجروبات رد عليها شاب اسمه يوسف صبري قعدوا هزروا ويضحكوا وبعد شوية بعثها طلب صداقة ؛ قالت مريم في نفسها* اي دا ؟ دا بعثلي اددا انا مش هقبله عشان انا قولت مش هضيف شباب عندي وكمان هو كويس ودمه خفيف كان بيهزر معايا في الجروب ومعمليش حاجة وحشة *

افتكرت كلام ندي ومامتها *لا خلاص مش هقبله* تعاملت مريم مع الموقف وكأنها لم تري ما حدث ؛ استقبلت مريم رسالة من ندي تطمئنها انها وصلت...

تاني يوم شافت مريم "يوسف" ناشر بوست في الجروب عبارة عن " كل واحد يشوف مهنته من برجه "دخلت مريم وعلقت ببرجها "الدلو" رد عليها قائلًا..

يوسف- مهندسة

مريم- ههههههههه عارفة شوفت

يوسف- تدوم وتغسلي الهدوم

مريم- تسلم وتلمهم لوحدك

يوسف- ههههههههههههه انتي مشكلة

مريم- ههههههههههههه

يوسف- اختفيتي امبارح ليه صح؟

يوسف-لا لا خدي هنا انا بهزر دنا مصدقت

مريم-مصدقت اي مش فاهمة

يوسف-طب نتعرف الاول

مريم-انا مريم

يوسف-منا عرف

مريم-هههههههههههه

يوسف-ايوة يعني عرفيني عليك كدا كام سنة بتدرسي اي
كدا!

مريم-انا عندي 17 سنة من الجيزة وفي سنة تانية ثانوي
عام ونفسي ادخل كلية اعلام وانت بقي!

يوسف-مين في الجيزة!

مريم-الدقي

يوسف-اه احسن ناس

مريم-تسلم

يوسف-انا بقي ياستي من القاهرة من المرج لو تسمعي عنها
وعندي 21 سنة وبشتغل في ورشة بابا الله يرحمه ومعايا
دبلوم صنايع

مريم-الله يرحمه

يوسف-تسلمي ياعسل

مريم-طب عندك اخوات او صحاب!

يوسف- الحقيقة لا معنديش اخوات انا وحيد وامي معايا
ربنا يخليهاالي

مريم-يارب

يوسف-بس عندي صاحبي محمود دا بقي انتيمي

مريم-اه برضه وانا عندي ندي صحبتي

يوسف-ربنا يخليهاالك

مريم-بجد انت انسان كويس ومحترم

يوسف-وانتي كمان علي فكرة وصراحتك وخفة دمك دا اللي
خالني اكلمك وابعثك الادد؛ وانا بهزر معاكي كدا حسيت اني
اعرفك من سنين لا واي ارتحتك كمان

مريم-اممم هو انت كنت فين التلات ايام دول

يوسف-دنتي متابعة بقي

مريم-لا مش قصدي بس بسال عادي

يوسف-كان شوية شغل وكنت بروح البيت متأخر وتعبان
ومكنتش بعرف افتح

مريم-ربنا يعينك

يوسف- يارب

خلص الشات بين مريم ويوسف علي كدا بس دا كان وقتها
لكن بقو كل يوم يتكلمو لحد مجيه يوم شاف شاب عامل ريب
لاي علي كومت مريم ...

دخل يوسف شات مريم وقالها- مين كبرياء رجل اللي عاملك
ريبلاي علي الكومنت بتاعك دا!

مريم-معرفوش

يوسف-طب وبترودي عليه ليه!

مريم-انا برد عشان هو كان بيسال عن حاجة

يوسف-لا لو سمحتي مترديش عليه وامسحي تعليقك حالا

مريم- لا مينفعش انا رديت عليه خلاص

يوسف-طيب ماشي اللي انتي شيفاه

مريم-فيه اي يايوسف

يوسف-مفيش انا هقفل

مريم-لا متقفلش هو فيه اي!

يوسف-مفيش حاجة خلاص

مريم-انا ليه حاسة انك بتغير!

يوسف-غيرة! لا لا ابد!

مريم-طيب استني دا شكله بعثلي طلب صداقة لا اي

يوسف-وحيات ماما

مريم-هههههههه بهزر

يوسف-طب متهزريش في كدا تاني

مريم-ليه بقي ها ليه!

يوسف-مريم

مريم-نعم

يوسف-انا بحبك.....

الفصل الثالث

يوسف- انا بحبك.....

مريم- بتهزر صح. دي كدبة ابريل

يوسف-احنا مش في ابريل وبعدين دا بجد؛ طب بوصي
ياستي طب جاوبي ع اسئلتني

مريم- قول

يوسف-مش انا بوحشك

مريم-امممم

يوسف-مريم ردي من غير كسوف خليك جريئة خايقة من
اي!

مريم- اه بتوحشني ولما مش بتفتح بفضل ادور عليك

يوسف - حلو اوي؛ مش احنا بنتكلم كل يوم وكتير ومش
بنزهق من بعض!

مريم-اه

مريم- ندي انا كنت عاوزة اقولك حاجة

ندي-اي يا حبيبتي قولي

مريم- فيه واحد بيحبني

ندي برقت لمريم بذهول ومبسوطة جدا وتابعت كلامها-
كملي..

مريم-هو اسمه يوسف

ندي-حلو يوسف عرفتيه منين

مريم اترددت ومعرفتش تتكلم تابعت ندي كلامها- اي يابنتي
عرفتيه منين!

مريم-من علي الفيس!!

ندي بصت لمريم بخيبة ويأس تابعت مريم وقالت

-بس والله هو بيحبني انا كمان بحبه دا هو اللي قالي
واعترفلي واكدلي وكمان بقالنا كتير بنتكلم و.... قاطعت
ندي مريم وقالت

-مريم انتي هبله ولا عبيطة حب اي دا يامريم دا انت ياماما
يعني وهم

مريم-انا عارفة كل حاجة عنه انا عرفته دا انسان محترم
وكويس...

ندي-افهميني ياماما دا كله كذب حب اي ! حب اي اللي لا
شافك ولا شوفتيه

مريم-انا شوفته بس هو لا مشافنيش

ندي-كمان دا بيشتغللك ؛مريم انا مش معاكي ارجعي عن اللي
بتعمله دا

ازاي انا مش فاهمة مش قادرة استوعب الفكرة دي شخصية
انتي حبتها شخصية زي ممثل حاجة حلوة ازاي حبته من
شوية شات وكلام ازاي

يارب تكوني بتهزري!

مريم-انا بتكلم جد انا....

ندي-براحتك يا مريم

مريم-انا مش هحضر الدرس النهاردة انا مروحة ومشيت
مريم

ندي-مريم ..مريم استني....

مشيت مريم وهي بتعيط هي كانت فاكرة ان ندي هتحمسها
هتقف جنبها هتفرحها بس حصل العكس!!!!

رجعت مريم علي بيتها بتعيط شافتها والدتها سعاد- مريم
فيه اي!

مريم-ماما انا اللي حصل انه.... افكرت كلام ندي والحوار
اللي دار بينهم وقفت عن الكلام

سعاد- فيه اي يابنتي!!!!

مريم-لا مفيش اتخانقت انا وندي شوية

سعاد-اي حصل!

مريم-ماما مش عاوزه اتكلم في الموضوع بس لو رنيت

مترودوش عليها

سعاد-ليه يابنتي انتو صحاب واخوات

مريم-معلش ياماما اعلمي كدا؛ انا هدخل انا....

دخلت مريم اوضتها وكالعادة كانت شبكة الواي فاي شغالة

واول مدخلت بيتها تم الاتصال بالانترنت وسمعت صوت

رسالة من علي الماسنجر

كانت الرسالة من يوسف

يوسف- مريم

حاولت مريم متروديش عليه بعد ماشافت الرسالة بالغلط..!

يوسف-مريم انتي مش بترودي ليه؛ مالك

مريم تستلم لنداء يوسف

مريم-انا تعبانة شوية

يوسف-مالك فيه اي!

مريم-انا تكتب مريم وتمسح

يوسف-مالك مترددة !!!

مريم-انت عرفت منين!

يوسف-ردي علي سؤالي؛مالك وفيه اي!!!

مريم- انا مخنوقة اوي يا يوسف ؛ انا تعبانة

يوسف-ممكن تبعتي لي رقمك اكلمك يا مريم

مريم-رقمي!

يوسف-عارف انك مبهورة بس كدا كدا كنت هطلبه

مريم-يوسف ارجوك سيبنى دلوقتي

يوسف-لا مينفعش اسيبك انتي بتهرجي واول موقف يحصل
ومش مدياني حنة فرصة اثبتك حبي

مريم-011.....

خد يوسف الرقم ورن عليها في نفس الوقت....

مريم- الو

يوسف-الو

مريم-ايوة يا يوسف

يوسف-ايوة يا يوسف بجد والله اول مرة اكلمك وايوة
يا يوسف

مريم-مضايقة قولتلك

يوسف-معقولة الصوت الجميل دا والقمر دا يضايق

مريم-.....

يوسف-مريم مالك يا مريم احكي لي انا جنبك

مريم-يوسف انت بتحبني بجد

يوسف-طبعاً؛ انتي ليه بتقولي كدا

مريم-اصل..

يوسف-شكلك هتتعبيني معاكي

مريم-خلاص هحكي....

وحكت مريم علي كل اللي حصل بينها وبين ندي ومامتها
وانها سابت الدرس وكانت بتعيط لحد مكلمته

يوسف- مميمم بوصي ياستي بقي بعد كل اللي قولته دا اولاً
مش عشان كدا تعيطي لان دموعك غالية عندي وانا جنبك
ومعاكي قوولتك وكمان ندي باللي عملته مستجدعتهاش
مفرحتلكيش ولا بتحبك

مريم-ازاي مش بتحبني دحنا مع بعض من زمان

يوسف-عادي الناس بتتغير؛ ف ابعدني عنها وضح اللي قولتيه
لمامتك دا انها مترودش عليها

مريم-.....

يوسف-وحاجة كمان انا هثبتك اني بحبك يا مريم

مريم-ازاي

يوسف-عاوز اشوفك!

مريم اتوترت ومعرفتش تعمل اي وسكتت-.....

يوسف- انتي خايفة مني ليه

مريم-مش خايفة انا بس... قاطعها يوسف

يوسف-المفروض تحسي معايا بالامان

مريم-انا الحقيقة مش هعرف اقبالك

الفصل الرابع

مريم بعد مقفلت مع يوسف قالت ف نفسها*انا كل حاجة
هخليها ليا وليوسف هو صاحبي وحببي وكل حاجة ف
حياتي هو اولي اني اجي احكيه واقوله مالي عشان هو اللي
بيحبني*

عدا ايام وندي بتحاول توصل لمريم بدات الدراسة ندي
شافت مريم في المدرسة....

ندي-مريم للدرجادي زعلانة مني؛ ومش بترودي علي
مكالماتي عشان انا عايزة مصلحتك وخايفة عليكي

مريم-لو سمحتي الكلام بينا انتهى وانتي اصلا مش بتحبيني
ندي-هو لحق قساكي عليا...؛ علي صاحبتك اللي بقالكم كتير
مع بعض

مريم-الحصة هتبدأ وانا مش عاوزة افوتها

ندي-سلام يا مريم

مريم مشيت ودخلت فصلها وهي زعلانة بس مش مبينة
عشان دي صاحبتها واكثر كمان ومش عارفة اي حصل بس
افتكرت يوم معيبيتها وكمان كلام يوسف عنها انه بيحاول
يكرها فيها بس هي مش واخدة بالها

.....

من ناحية تانية يوسف بيكلم والدته *الست وردة ست كبيرة
في السن عاقلة وحكيمة مش باين عليها الكبر وديما بتقعد
مع جارتها الست عزة*....

يوسف-امي ؛وحشتيني يا حبيبتي

وردة- حبيبي يا بني انت كمان

يوسف- ربنا يخليكي ليا ياست الكل

وردة-انا عملالك الاكل شكلك جعان

يوسف-لا مش اوي ؛ بس كنت عاوزك في موضوع

وردة- مش أن الاوان الاوان نفرح بيك بقي!!

يوسف-ياااااااااااااااااه ياست الكل انتي بتقراي افكاري بقي

وردة-بجد يا يوسف؛ فرحتني يا حبيبي

يوسف-انا بس كنت عايزك تكلميهيا علشان اطمنها واعرفها

اني بحبها

وردة-دنتا واقع لشوشتك بقي عشان كدا تطلب مني طلب

زي دا

يوسف-جدا يا امي

وردة-مبروك يا حبيبي الف مبروك

يوسف- انا بس عاوزك تكلميهيا وتقوليلها اني فعلا بحب

وتثق فيا

وردة-طب كلمني عنها!

يوسف-هي بنت كويسة ومحترمة وانا واثق انها هتعجبك

وردة-وعرفتها ازاي؛ شوفتها فين!

يوسف- بوصي ياستي انا كنت بكلمها علي انت قبل معرفها

بس قبل اي حاجة انا بكلمها في التليفون

وردة-انت وحش يا بني

يوسف-متخافيش علي ابنك بقي

وردة- طب شوفتها

يوسف-الحقيقة لا

وردة-ولا صورة توربهاني

يوسف-هطلب منها النهاردة ياست الكل

وردة-افرض طلعت وحشة

يوسف-متقلقيش منا خلاص وقعت يعني مش هيفرق معايا

الشكل

وردة -ربنا يسعدك يا بني

.....روحت مريم البيت وكلمت يوسف بس المرة دي علي

الواتساب

يوسف-روما

مريم-نعم ياقلب روما

يوسف-عملتي اي في يومك النهاردة؛ احكي لي

مريم-الصراحة كنت تعبانة شوية والمواصلات بس الحمد لله

تعرف ان ندي جت وكلمتني

يوسف-وانتي!

مريم-مشيت وسيبتها

يوسف-جدعة

مريم-صح وحشتني

يوسف- انتي كمان؛ بقولك صح

مريم-اي!

يوسف-ممكن تبعتيلي صورة ليكي؛ امي عاوزة تشوفك

فرحت مريم وبدات تستوعب انه فعلا بدا يثبتلها فردت
عليه

مريم-بجد يا يوسف

يوسف-بجد يا قلب يوسف

مريم-طب انا عندي صور كتير ومعرفش انه الاخلي

يوسف-خلاص ابعتيهم كلهم

مريم - حاضر

وبعتت مريم الصور ليوسف ودخلت ذاكرت بعد موصاها
يوسف انها تذاكر كويس وتخلي بالها من مذاكرتها علشان
تحقق حلمها

.....

من ناحية ثاني دار حوار بين يوسف وصاحبه محمود الا
نتيم.....

*محمود شاب وسيم بيكلم بنات كتير وليه خبرات ياما؛
شعره طويل وناعم ودايما يسحر البنات بشكله*

محمود- اي ياكبير بقالك كتير مش بتسال قولت اجيالك
الشغل بنفسي

يوسف-ياعم والله مشغول

محمود-سمعت من الحاجة انك طببت

يوسف-هههههههههههههه

محمود- بس مقالتليش شوفتها فين

يوسف-يسلااام

محمود-اه والله ؛ ياض قولي هساعدك دي اول بختك انا لازم
اقف جنبك

يوسف-ياسيدي متشكر

محمود-طب عرفتها ازاي!

يوسف-هقولك بس انا وانت وامي بس اللي نعرف الحوار
دا...

محمود-ياعم ماشي

حكي يوسف الحكاية لمحمود رد محمود علي يوسف

محمود-هاهاهاهاها بتهرج صح؛ طب تكلمها ماشي تحبها
يعني لكن تتقدملها وتتجوزها!!!!

يوسف-مش فاهمك

محمود-وكم ان مشوفتهاش انت ازاي كدا

يوسف-مريم غير كل اللي انت بتكلمهم

رن تليفون محمود رد- ايوۃ يا حبيبتى يانونو شاور محمود
ليوسف انه ماشي

يوسف- هههههههههه والله مهتتعدل يامحمود

.....

في بيت ندى قاعدة مضايقة تسالها مامتها

هدى- اى ياندى مالك

ندى- لسة ياماما مش بنتكلم انا ومريم انا خايفة عليها

هدى- فى اى!

ندى- اصل... لا مفيش

هدى- لا فيه ايه!

ندى- هبقى اقولك بعدين بابا جه

الحاج ابراهيم- السلام عليكم

ندى وهدى- وعليكم السلام

الحاج ابراهيم- وزى كل سنة انا متعود اجيبك انتى ومريم

زى بعض اى رايك

ندى- يالهوى يا بابا اى دا جميل اوى الفستان

ابراهيم- مبروك عليكو

هدى- بس مريم وندى مش بيتكلمو

بصت ندى لمامتها وبرقت وبعدين قالت- لا اتصالحنا خلاص

مقدرش اصلا

ابراهيم- طب مبروك عليكم يابنات ؛ربنا يوفقكم

ندي-حبيبي يابابا؛ ربنا يخليك ليا

.....

الفصل الخامس

مرت سنة علي ارتباط يوسف ومريم

السنة دي حصلت فيها حاجات كثيرة

حب يكبر ويزيد؛خصام بين اختين الله اعلم امتي هيرجعو
يتكلمو ثاني؛ تفوق مريم وندي في سنتهم الثانية ولاول مرة
متحصلش حفلة كل سنة اللي كانت بين مريم وندي

يوسف-مريم انا فرحان جدا انك نجحتي وجيبتني تقدير
ياحبيبتني وكنت عاوز احتفل معاكي باليوم دا

مريم-عارف يا يوسف انا وندي علي طول وكل سنة كنا
بنحتفل كل سنة مع بعض

يوسف-منا معاكي اهو ولا انا مش مالي عينك يعني!

مريم-حبيبي انت كل حياتي

يوسف-مريم انا كنت عاوز اشوفك مش جه الوقت ولا اي
واديكي خدتي الاجازة

مريم-.....

يوسف-ساكتة يعني!

مريم-مش هعرف انزل يا يوسف اهلي شداد جدا وانا مش
متعودة انزل واشوف حد

يوسف-حد!!!

مريم-مش قصدي بس انا مش بعمل حاجة زي كدا

يوسف-انتي اهلك هيوافقو لو جيت اتقدمتلك...!

دخلت "وردة" علي يوسف وهو بيكلم مريم

وردة-اي يا يوسف بتكلم مين

يوسف- ثواني خليك معايا؛ مريم يا امي

وردة-انت مش قولتلي انك هتخليني اكلها

يوسف-التليفون معاكي ياست الكل

مريم حاسة بتوتر اول مسمعت

وردة- ازيك يا مريم عاملة اي

مريم-انا الحمد لله كويسة؛ وحضرتك

وردة-الحمد لله

مريم-.....

وردة- يوسف كلمني عنك وقال علي كل حاجة ربنا يسعدكم

مريم- ربنا يخليكي يارب

وردة-عاوزه ابقى اشوفك بقي يا مريم

مريم-ان شاء الله قريب
وردة- خدي يوسف معاكي اهو
يوسف-ايوة يا حبيبتي
مريم-انا كنت بس عاوزة اقفل علشان ماما نادتني
يوسف-ماشي ؛؛؛سلام
مريم-باي

.....

سعاد نادت مريم....
سعاد- اي يامريم حالك مش عاجبني
مريم- ليه بس ياماما
سعاد- مش عارفة بس بتتكلمي في التليفون كتير وماسكاه
طول الوقت وانا خايفة عليكي
مريم- انتي بتراقبيني ياماما
سعاد- اه مش بنتي ؛ والله كمان اللي شفعلك الدرجات اللي
جبتها
مريم- ياماما متخافيش عليا انا بعرف اركز ومستقبلي اهم
اكيد بس اهو انا في الاجازة وصح كنت عاوزة اطلب منك
طلب

سعاد- اطلبي

مريم-انا كنت عاوزة اخرج مع صحابي كدا يعني اتفسح

سعاد- انتي اللي كنتي بتخرجي معاها ندي ؛ مين بقي
صحابك دول اللي هتخرجي معاها

مريم- صحاب تانيين هو مش كل حاجة ندي

سعاد- تعالي صح خدي هنا مالكم بقي مش بتكلمو بعض ليه!

مريم-هي قالتلك

سعاد- قالت اي

مريم- ها! لا مفيش حاجة احنا بنتكلم

سعاد- طب رني عليها قدامي

مريم- لا هي نايمة دلوقتي

سعاد- نايمة ازاي بقي

مريم- اصل هي بتنام دلوقتي؛ حاولت تغير الموضوع ايوة

يعني مش هخرج!

سعاد- هتروحي فين

مريم- اي حنة ياما

سعاد- مفيش خروج

مريم - ليه بس انا مخنوقة

سعاد- انا قولت مفيش خروج يعني مفيش خروج واما

نشوف موضوع ندي اللي انتي هربتني منه دا واوعي تكوني

مخبية عني حاجة يامريم

.....

ندي بتقلب في صورها هي ومريم وبتقرا الشات اللي كان
بينهم وبتعيط تدخل ياسمين اختها اللي عندها 13 سنة

ياسمين -اي دا انتي بتعيطي!

ندي- ها فين دا ابدأ

ياسمين- ياكداية انا شوفتك

ندي- انا بس قرأت بوست علي الفيس عيني دمعت

ياسمين-وريهوني كدا

ندي- ها لا زاغ مني

.....

تيجي ساكنة جديدة عمارة مريم تسكن فوقهم مدام سحر
وجوزها الدكتور عصام عندهم ولد اسمه خالد في سنة تانية
جامعة وبنت اصغر منه بسنة اسمها ريم

تخبط سعاد علي باب سحر

سعاد- السلام عليكم

سحر-وعليكم السلام

سعاد- اخبارك اي

سحر- الحمد لله ؛ اتفضلي

سعاد-مبروك علي الشقة والحمد لله مخادتش وقت كبير

سحر-اه الحمد لله فاكرة لما كنت بجيلك قبلها لما قولتلك انا
جارتكم الجديدة وعزمتي عليا بالشاي كان من وقتها كدا كنا

بنشتغل فيها

سعاد- بس والله فرحت لما شوفتكم جايين وجايبين العزال
سحراه والله يومها كان تعب بس الحمد لله
يدخل خالد عليهم...

خالد - ماما هو فين التيشيرت الابيض بتاعي؛ اي دا اسف
معرفة ان فيه حد موجود عندنا
سحر- تعالي ياخالد دي خلتك سعاد جارتنا اللي تحت مش
حد

خالد- ااه فاكرها اللي كنتي بتحكي لنا عنها وبتشكري فيها
قبل مناخذ الشقة

سعاد- ازيك يا حبيبي

خالد- الحمد لله ازي حضرتك والله دي كانت بتقول فيكي شعر
سعاد وسحر ضحكوا

سحر- دا ابني خالد في سنة تانية كلية

سعاد- ماشاء الله كلية اي

سحر- كلية اعلام القاهرة

خالد- طب والني التيشيرت عشان كدا مش هعرف احضر
المحاضرة

سحر- عندك علي الحبل زمانه نشف

سعاد- بسم الله ماشاء الله انا بنتي مريم حلمها تدخلها

سحر - هي قد اي

سعاد- تالته السنادي

سحر- انتي عندك غيرها

سعاد- مريم واميرة اقتصاد وعلوم سياسية ومخطوبة ومروة

اولي ثانوي السنادي

سحر- وانا عندي خالد وريم اصغر منه بسنة في اولي كلية

حقوق

سعاد- ربنا يخليهو ملك

سحر- يارب يا حبيبي

.....

يوسف- اي يا مريم وحشتيني كل دا مش عارف اكلمك فون

مريم- والله مكنتش عارفة اكلمك يا حبيبي ؛ بعدين كنت

بكلمك شات

يوسف- برضه الصوت بيفرق ؛ وحشني صوتك طبعا

مريم- وانت كمان وحشتني اوي يا يوسف

يوسف- حبيبي ؛ هو مفيش حد عندك ولا اي

مريم- لا مروة في الدرس وماما عند جارتنا فوق واميرة مع

محمد بيشترو شوية حاجات علشان كتب كتابهم الخميس

الجاي وطبعا بابا في الشغل

يوسف- عقبالنا ياروحي

مريم- يارب يايوسف يارب
يوسف-طب اي رايك اجي الفرخ

مريم-بجد

يوسف-اه بجد طبعا

مريم-طب تعالي والله

يوسف- خلاص ماشي بس بشرط

مريم- اي

يوسف- هاتي بوسة

مريم- اي مسمعتش

يوسف-بوسةةةةةةة

مريم-.....

يوسف- مالك؛ مش عاوزة تبوسي حبيبك؛ اومال لما ارقص
معاكي في الفرخ هتعملي اي

مريم- ايه!!!!!! تعمل اي ازاي يعني دا

يوسف- انا ليه يامريم ساعات احس انك مش بتحبيني

مريم- علشان اللي بتقوله مش بعمله زي هاتي بوسة وحضن
وانا مش بحب الكلام دا وعارف اني اول مرة اعمل اللي
بعمله دا وانا اعرف اللي يحب حد ميطلبش منه كدا

يوسف- يعني انتي شيفاني مش بحبك؛: عموما انا اسف
يامريم ومش هطلب منك حاجة زي كدا تاني؛سلام

السكة اتقفلت في وش مريم

.....

خالد وصل متأخر علي المحاضرة لقي الدكتور بيشرح جوا

الدكتور- انت اي اللي اخرك

خالد- اسف يادكتور غصب عني

الدكتور- هو انا مش قلت مفيش حد يدخل بعدي برا

.....

نزل خالد يفطر في الكافيتيريا ...

خالد- الله الله انت محضرتش محضرتك ليه يا استاذ

احمد- اصلي اتطردت زيك

خالد- هههههههههههه وانت عرفت منين

احمد- اصل نصف الدفعة لقيتها هنا فعرفت ان اللي بييجي

بيبقو مطرود

خالد- اه يابني والله مدانيش فرصة

احمد- ياعم هي الدكاترة كدا سيبك انت هتاكل اي

خالد- والله كنت قلت في بيتنا اكرملي

تليفون احمد رن..

احمد- الو.... انتي فين... اه انا في الكافيتريا انا وخالد....خ

لاص ماشي هستناكي.... سلام

خالد-مين دي

احمد- دي اية ويارا يابني اللي معانا في الدفعة

خالد- اه عارفهم ومالهم دول

احمد- جايبين يقعدو معانا

.....

مريم زعلانة لتصرفها مع يوسف وزعلانة انها زعلته وحست
بالوحدة فاجاة وقالت في نفسها*انا دلوقتي اما كنت بضايق
كنت بكلمك يا يوسف اكلم مين احكيه او اروحله او مين
افضفض معاه مين اعرف منه انا غلط ولا صح لا انا هرن
عليك انا عارفة عمرك مهتزل مني اصلا*

رنت لقت التليفون مغلق؛فتحت الفيس لقيته قافل من وقتها

.....

رن جرس الباب

-السلام عليكم

-وعليكم السلام مين!

- انا ريم بنت ابلة سحر

-اه اتفضلي

- شكرا؛ ماما بعثالكم طبق الكيكة دا

-تسلم ايديها

سعاد- مين يا مريم

مريم-دي ريم بنت ابلة سحر
سعاد-وكانت عاوزه اي
مريم-جايبالنا طبق الكيكة دا
سعاد- والله فيها الخير
مريم- شكلهم ناس كويسين
سعاد- اه دا عندها ولد في اعلام وبنت في حقوق
مريم- بجد؛ يارب ياماما ادخلها
سعاد- يارب يا حبيبتي شدي حيلك انتي بس

.....

هدي- اي ياندي يعني عيد ميلادك النهاردة ومريم معيدتش
عليكي زي كل سنة
ندي- تلاقىها مشغولة
هدي- مشغولة ازاي
ندي- معرفش
هدي- لا بقي انتي تقولي لي فيه اي
ندي- بوصي ياماما انا هقولك علي كل حاجة
هدي- قولي
حكت ندي لامامتها كل اللي حصل
هدي- يالهوي! ازاي يحصل كدا ومتقوليليش
ندي- افكرت اننا هنرجع نتكلم تاني
هدي- انا لازم اكلم امها واقولها

ندي- لا ياماما ارجوكي
هدي-لا اي مريم دي زي بنتي وخايفة عليها
ندي- هي مش هتفهم كدا ياماما ؛ بلاش احسن مالناش
دعوة

.....

رن جرس باب سحر

-مين

-انا مريم؛ اي دا هو انت!!!

-انتي!! انتي بنت خلتي سعاد

بصتله باستحقار

-ايوة انا بنت خلتي سعااد *قالتها بتريقة*

سحر- مين ياخالد

خالد- دي دي.... قاطعته مريم

مريم-انا مريم يا ابلة سحر

سحر- اتفضلي يا حبيبتي

مريم- شكرا بس ماما بعنالكم الطبق دا

.....

سعاد- طلعتي الطبق

مريم- اه وفتحلي ابنها

سعاد- اه خالد

مريم- معرفش بقي؛ بس انا اتكسفت وبعد كدا متخلينيش

اطلعلهم حاجة تاني

سعاد- ليه يعني

مريم- كدا الواد دا حاسة اني مش قبلاه

سعاد- هههه خالد دا دمه خفيف وكويس

مريم- مطلعش وخلص بقي

رن جرس الباب...

سعاد- طب روعي شوفي مين

اميرة ومحمد- السلام عليكم

سعاد- وعليكم يا حبايبي

محمد- ازيك ياماما

سعاد- الحمد لله جبتو الحاجات

اميرة- اه وناقص حاجات بسيطة كدا بس محمد قالي

هيجيبهالي بعد منتجوز

سعاد- ربنا يخليكو لبعض

محمد- يارب

.....

الفصل السادس

مريم بتفكر في يوسف شاغل بالها وتفكيرها وحاولت ترن

عليه اكثر من مرة وهو مختفي ؛ مش عارفة توصله كانت
بتتواصل معاه علي انت والتليفون ومش عارفة تعمل اي!!!

.....

محمود- اي يايوسف مالك الايام دي

يوسف- مخنوق اوي يامحمود

محمود- من اي بس يا صاحبي

يوسف- مريم

محمود- منا قولتلك

يوسف- مش فاهم

محمود- انت اصلا مش بتحبها

يوسف- ياعم دنا بقالي معاه سنة ونص اهو

محمود- ومش هتتجوزها

يوسف- دا اللي هو ازاي بقي

محمود- انا عارف

يوسف- ياعم متتكلم

محمود- لازم تشوفها وتقعدو مع بعض وتتكلمو

يوسف- حاولت معاه مرضيتش

محمود- يبقي مش بتحبك

يوسف- دي بتعشقني يامحمود

محمود- يا عم بوص من الاخر الموضوع مش داخل دماغي ؛
البنات قدامك في كل حطة وبعدين انت في الورشة اهو
قدامك بنات اشكال والوان جاي تحب من علي النت...
قاطعتهم اسماء اللي ساكنة فوق الورشة بتاعت يوسف
*اسماء بنت متعلمة ومحترمة وعندها 20 سنة وبتحب
يوسف بس هو مش حاسس بيها*

اسماء- اي يايوسف عامل اي

يوسف- الحمد لله يا اسماء ؛ دا صاحبي محمود

اسماء- اه عرفاه بشوفه بيجيلك..؛ اهلا وسهلا

محمود- اهلا بيكي

اسماء- مفتحتش امبارح ليه يايوسف

يوسف- كنت مخنوق شوية

اسماء- اصل ماما سألت عليك

يوسف- سلميلي عليها

اسماء- طيب عاوز حاجة

يوسف- لا خلي بالك من نفسك

محمود- بس البت دي عينها منك

يوسف- اسماء هههاهاها دي اختي يابني

محمود- يا عم انا عارف

يوسف- انا منكرش 0 انها كويسة وجميلة بس محستش قبل

كدا

محمود- لا مهى من النوع اللي مش بيبين شكلها كدا

يوسف-ياعم بقي خلينا في مريم بس الاول

محمود-ليه مالها

يوسف- متخانقين وبقالنا داخلين علي كام يوم كدا مش

بنتكلم

محمود-انا قلت اللي بيحب حد مبيقدرش يقعد من غيره تلا

ت ايام ؛ ثلاث ايام اي ؛يوم كمان

يوسف-.....

محمود-والله يا يوسف دا ما حب ابدأ اللي بتحبه دا بيبقي

قدامك بتشوفه تتكلمو تعرفوا في حلوه ومره وهو بيتخانق

بيتعصب حاجات كتير اوي دي نزوة وخلص

يوسف-محمود انا بحبها وهتجوزها ومش هحب غيرها

وهتبتلك كدا

.....

سحر- عامل اي في مذاكرتك يا حبيبي

خالد- الحمد لله ياما اما

سحر- ربنا معاك يا بني

خالد- يارب يا حبيبتني

رن تليفون خالد- اي يا احمد....لا في البيت.....بجد و

الله.....طيب خلاص.....ياعم مش هتأخر

سحر- رايح فين

خالد- الماتش هيبدا واحمد مستنيني علي القهوة

سحر-طب مش هتاكل

خالد- لا متعمليش حسابي

.....

كانت مريم بتشتري هدية لندي عشان عيد ميلادها وراحت

وصلتها لها قدام الباب ومشيت قبل متشوفها

وهي طالعة بيتها قابلت خالد نازل

خالد- السلام عليكم

مريم مردتش عليه

خالد-طب ردوا السلام دا السلام لله حتى

مريم-انت ليك عين تتكلم

خالد-خلاص بقي ياستي انا بعذر والله علي اللي حصل مني

؛ مكنتش واخذ بالي

مريم- واللي انت عملته

فلاش باك

خالد-ايوة ياماما اروح اجيب ريم اي دلوقتي من المدرسة

هي صغيرة.....مواصلات اي اللي مش لقيها متاخذ

تاكس.....خلاص هروح وامري لله البت دي زي اختي

برضه.....ههههههه لا انا اقدر ياست الكل....طب سلا
م

ريم بتكلم نفسها* كل دا ياخالد*

وصل خالد بالمكنة بتاعته عند ريم وكان هيخبط مريم ؛ دا بـ
الفعل المكنة داست علي رجلها

مريم-انت حيوان مش تحاسب

ندي-انت عبيط ولا اي مش باصص قدامك

خاالد- بس بس هو انا مش دوست فرامل وبعدين انتي اللي
مش مركزة

مريم-اه دلوقتي مش مركزة مش بتعرفوا تسوقوها بتركبوها
ليه

خالد- مقولتك خلاص ولا عاوزاني انزل اديكي قلمين

مريم- لا انزل اديني

خالد- والله لولا انك بنت وانا مش متعود امد ايدي علي بنات
غوري بقي من وشي

وكمل طريقه لحد ريم واخذها ووصلها البيت

.....

مريم- واللي انت عملته

خالد-ياست المسامح كريم

مريم-ابقي افكر بقي

خالد- هههه طيب

.....

وردة- اي يايوسف عامل اي

يوسف-مخنوق يا امي

وردة - من اي ياحبيبي

يوسف- مريم متخانقين شوية

وردة-ليه كدا

يوسف-يعني خناقات عادية ودي اول خناقة بينا

وردة-طب متكلمها يابني

يوسف- انتي شايفة كدا

وردة-اه كلمها انتو مالكومش غير بعض

.....

ندي فتحت الباب لقت الهدية وفيها كارت معايدة مكتوب

فيه

كل سنة وانتي طيبة

هدي- مين اللي جايبلك الهدية دي ياندي

ندي- اكيد مريم انا قلبي حاسس بيها لازم اتصل واكلمها

هدي- ربنا ميحرمكم من بعض ياحبيبتني

.....

رن تليفون مريم

-الو

-الو

-هنفضل كدا كتير يعني

-اكيد لا طبعا

-شكرا علي الهدية الجميلة دي

-عجبتك بجد

-جدا يامريم

-كل سنة وانتى طيبة ياندي

-وحشتيني اوي يامريم

مريم دمعت وهي بتكلم ندي

-وانتي كمان والله ياندي؛ ندي انا بقيت حاسة اني لوحدي
وانتي علي بالي كل يوم وكل مفكر اكلمك افكر اخر مرة بينا
اضايق اكثر

-انا بحبك يامريم وبخاف عليكى جدا ومكنتش اقصد انك
تزعلي او تضايقي والله

-ندي انا عاوزة اشوفك؛ عاوزة احضنك؛ متسيبينيش تاني
ياندي مهما حصل بينا انا اسفة انا فعلا غلطانة انا السبب

-وانا عمري مهسيبك تاني ابدأ

.....

سعاد- ازيك عاملة اي ياسحر

سحر- الحمد لله

سعاد- ديما يا حبيبتي انا بس جاية اعزمك علي فرح بنتي
اميرة

سحر- حبيبتي الف مبروك ؛ ربنا يتملها علي خير

سعاد- عقبال متفرحي بخالد وريم يارب

سحر- الله يخليكي

سعاد- طبعا هتيجي انتي والدكتور عصام وريم وخالد

سحر- ان شاء الله والله مش واثقة عصام هيجي ولا لا
عشان شغله بس هشوفه؛

.....

جه وقت الفرحة كانت اميرة لابسة الفستان والطرحه وكانت
العين كلها عليها ومحمد كان واقف جنبها وسعاد ماسكة في
ايد اميرة ومروة ومريم وندي شايلينها الفستان

مريم كانت لابسة فستان سواريه وحاطة ميكاب وندي
ومروة نفس الفستان بس باختلاف اللون

اشتغلت الاغاني وبدا الرقص اميرة كانت فرحانة وبترقص ؛
مريم كانت بتبص عليهم وكانت بتتخيل نفسها هي ويوسف
نزلت دمة منها غصب عنها

ندي- اي يامريم بتعيطي ليه

مريم- والله معارفة بس انا فرحانة جدا ومش مصدقة انها

هتسينا

دخلت سحر وخالد وريم

مریم- ازيك يا ابلة سحراتفضلي؛ ازيك ياريم؛ ازيك

خالد- ياخالد ها

مریم- ماما جوا اتفضلو

ندي- اي دا وشه مش غريب عليا يامریم

مریم- فاكرة الواد بتاع المكنة

ندي- اااه ودا بقي شوفتیه ازاي

مریم- جارنا ياختي

مروة شدت مریم وندي وبداءو الرقص

خالد كان متابع مریم من بعيد ومركز معاها

سحر- متقومي تروحي ترقصي معاها

ريم- بتكسف ياما

سحر- ياشيخة مكلهم بيرقصو

سعاد- ازيك يا سحر نورتي

سحر- الف مبروك يا حبيبتي

سعاد- ربنا يخليكي عقبالهم يارب؛ مالك ياريم قاعدة لوحدك

ليه متيجي تقعدي معاها

سحر- والله لسة بقولها

سعاد- تعالي يا حبيبتني

رن تليفون مريم وهي في الفرحة المكالمة كانت من يوسف
قلبها دق من الفرحة وخرجت تكلمه برا الدوشة حتي ندي لا
حظت وخذت بالها بس كملت تثقيف مع مروة وريم

-الو

-الو

-وحشتيني

-كل دا يا يوسف

-بحبك طيب

-وانا كمان والله يا يوسف ليه عملت كدا انا مكانش قصدي

-غصب عني والله يا حبيبتني بس اي الدوشة اللي عندك دي
انتي فين

-انا في الفرحة

-اه اختك ؛ الف مبروك ؛ عقبالنا

-يارب يا حبيبي

-طب اسيبك انا بقي تستمتعي

-ماشني؛ سلام؛ واما ارواح هكلمك

خالد- انتي بتعملي اي هنا

مريم- وانت مالك

خالد- برضه لسة زعلانة؛ طب اجيبك شيكولاتة طيب

ريم- ويكي يارب

.....

خالد قاعد في الكافيتيريا مع صاحبه احمد

احمد- انا جعان جدا ومستنيك

خالد- لا مخنوق شوية وماليش نفس

احمد- ليه بس كدا

خالد- ياعم تكليفات وابحات وفاينال والوقت مش مساعد ؛

مش عارف انت في الطراوة ومنفض ليه

احمد- انا كل حاجة بتيجي عندي محاضرات واصور وابحات

وكله ف اشغل بالي ليه؟

خالد- اه صح انا هروح

احمد- بدري النهاردة

خالد- متتا عارف الحق اخلص المرار دا

احمد- طيب خلاص قشطة سلام

خالد- عيسلام ياعم

.....

وصل خالد البيت لقي مريم وريم قاعدين بيتفرجو علي فيلم

ومندمجين وقافلين النور

خالد- الله الله

ريم- يوووووه خضتنا

مريم كانت ماسكة في ايديها طبق الفشار من الخضة دلقته
في وش خالد

مريم- سوري والله انا اسفة

خالد وهو بينفض هدومه وريم بتضحك- يااست حصل خير؛
اضحكي انتي اضحكي...

ريم- اعملك اي انت اللي جاي بدري وخاضنا كمان

خالد- هو كمان لازم استأذن قبل مرجع بيتي

مريم- ملكش دعوة بيها بتزعقلها ليه

خالد- ايش دخلك انتي انا واختي

ريم- خالد اي اللي انت بتقوله دا

مريم- انا نازلة

.....

الفصل السابع

يوسف قاعد في ورشته بيفكر في مريم تنزل مامت اسماء
(كريمة)

كريمة- ازيك يابني عامل اي

يوسف-بخير يا امي

مریم بعد مقفلت مع ندي *طب انا هكلم يوسف واقوله لا
بس هو لسة ميعرفش اننا اتصالحنا ، طب خلاص هقول
لماما*

سعاد واقفة بتعمل الاكل تدخل عليها مریم المطبخ

مریم-ست الحبايب يا حبيبة تارارا

سعاد-ايوة عاوزة اي

مریم-زمااان، زمااان تعبتي و....

سعاد-هههههههههههه خلاص قولي قولي

مریم-هننزل نخرج انا وندي

سعاد-وندي؟

مریم-طبعا طبعا

سعاد-طب متأخروش

مریم-حاضر

.....

مریم لبست وجهزت واتفقت مع ندي يتقابلو عند جنينة
الحيوانات .(اصل مریم نفسها تروحها وندي بتحقق اللي
نفس صاحبته فيه.)

.....

يرن تليفون خالد صاحبه احمد

خالد- الو

احمد-اي يابني مش فاتح واتس ومكلمتنيش النهاردة؟

خالد-اهو يادوبك لسة مخلص التكيلفات ومتغدي

احمد-طب بوص انا حاليا مع بنت عمي اللزقة دي قال اي
عاوزة اروح جنينة الحيوانات اتحايلت ع امي وامي اقنعت
ابويا وقالو و...

خالد-بس بس بس وانا مالي بتحكي لي قصة حياتك ليه؟

احمد-لا دننا ليك طبعا

خالد- مش فاهم

احمد-يعني تيجي وتقولي وانا مشوار ف انا اقولها يلا نروح
من الاخر يعني مش عاجبني الجو

خالد-طب اتحايل عليا شوية

احمد-ياعم اخلص

خالد-جنينة حيوانات يااااه يابلد، عيشت وشوفتك يا احمد
ف جنينة الحيوانات

احمد-ياعم خالص اهي كانت ف الحمام وجاية عليا ، بقولك
صح هبعثك الموقع واعمل نفسك قابلتني صدفة

خالد- يخربيتك مش هيدخل عليها اي الخطة الغبية دي

احمد- اهي جت يلا سلام.

خالد- يخربيتك يا احمد

.....
دخلت مريم وندي الجنينة وفضلو يتفرجو علي الحيوانات
ويتصورو كثير وفي كل حنة يمشو فيها وهوما ماشيين
شافو صاحبتهم ولاء ماشية مع واحد نادو عليها

ولاء- اي دا استني يا احمد دول صحابي

احمد- نعم ياختي

ولاء- استني بس ، تعالي نروح لهم

ندي- ازيك عاملة اي

ولاء- الحمد لله

مريم- اي دا اي بتعملي اي هنا

ولاء- والله كنت مخنوقة شوية فقوت لاحمد بن عمي ينزل
معايا يفسحني وافق ع طول

احمد يبص علي ولاء بتعجب ويقول

احمد- فعلا طبعا وافقت انا عندي كام ولاء

ولاء- حبيبي يا احمد ، طب اي متيجو تمشو معانا

مريم- بصراحة انا شوفت كل الحيوانات بس لسة الاسد

ولاء- طب قشطة ودينا يا احمد عند الاسد

احمد - طبعا طبعا وفي سره* ياخالد انت فين؟؟؟*

.....
يوسف قاعد بيتغدي مع امه في بيتهم

وردة- اي يايوسف اخبار مريم؟

يوسف- الحمد لله

وردة- مش ناوي تخطبها يابني انتم بقالكم كتير بتتكلمو مع بعض

يوسف- ها لا منا مستني لما تدخل جامعتها

وردة- اשמعنا يعني؟

يوسف- عشان اهلها يوافقو يعني وكدا والخطوبة وميقولوش لسة صغيره

وردة- ربنا يسعدكم يابني

يوسف- يارب

رن تليفون يوسف

يوسف - طب انا هقوم بقي شبعث وهرد ع الفون

وردة- ماشي

يوسف- الووو

محمود- ايوة

يوسف- اي يابني

محمود- اي عامل اي

يوسف- الحمد لله

محمود- اي فينك كدا؟

يوسف- في البيت

محمود- طب متيجي نقعد علي القهوة شوية انا زهقان

يوسف- طب تمام هلبس واجيلك

.....

خالد يرن علي احمد

خالد- ايوه يا احمد انت فين؟

احمد- انا عند الاسد

خالد- انت هتهزر ولا اي

احمد- والله مبهرز بكلمك جد، انا في ثلاث ورطات

خالد- مش فاهم؟

احمد- لقيت اتنين من صحابها وودينا يا احمد عند الاسد

خالد- هاهاهاهاهاهااااي

احمد- اضحك وربنا حقا تضحك

خالد- طب خليك عندك انا جاي

احمد- طيب سلام

خالد- سلام

ولاء- اي يا احمد واقف بعيد ليه

ندي- شكله مالوش في الجو

احمد- لا ابدأ بس انتم طوال اوي فقولت اخليكم انتم قدام

تفرجو

مريم-هههههه دننا بتتريق بقي

ولاء- طب يلا نروح نشوف سيد قشطة مشوفتوش

مريم- احنا شوفناه يالهوي عليه كان تحت الماية وطلع كدا
المنظر كان تحفة

ولاء- بجد ، طب وديني يا احمد

احمد ف سره* خالد جاي ولو مشيت من هنا مش هخلص*

احمد- بصو بصو الاسد عمل اي

مريم- الله انا عاوزة اصوره

ندي- اه بسرعة يا مريم

وصل خالد عند الاسد لقي الدنيا زحمة شاف احمد من بعيد
عشان هو طويل بس مشافش مين واقف معاه واتقدم لحد
عنده ولسة هيسلم عليه وينفذو الخطة

مريم وخالد بصوت واحد- اي دا انت اي اللي جابك
هنا؟؟؟؟؟

احمد وولاء بصوت واحد- اي دا انتم تعرفو بعض؟؟؟؟؟

خالد- اه دي جارتني

مريم- لا انا معرفوش، وكفاية لحد كدا انا ماشية..

ندي- استني يا مريم

مريم- يلا ياندي ، سلام يا ولاء فرصة سعيدة يا احمد

احمد- اي بقي

مريم- مفيش

ولاء- مريم يا حبيبتي

خالد- خدو الشيكولاتات دي ندر عليا وبوفيه

مريم- ههههههههه

احمد- مش فاهم

خالد- ياعم يلا بس نقعد في حنة تعبتي الست مريم

مريم تبوصله

خالد- تعبتي بس تعبها راحة، لازم كدا تستني اما اكمل

الجملة

الكل ضحك

واحمد ف سره* الله يخربيتك يا خالد اجي اقولك كحلها

تعميها*

قعدو يتكلمو ويهزرو

رن فون مريم المكالمة كانت من يوسف ، اتوترت خالد خد بـ

اله وقالها مامتك؟

مريم- لا

ندي فهمت - طب يلا نروح

احمد - تمام يلا

.....

يوسف- مش عارف مش بترود ليه
محمود- تلاقيها مشغولة، صح مش ناوي تقابلها

يوسف- مش عارف
محمود- احيه يا صاحبي

يوسف- اي
محمود- حلو اوي التوهان دا
يوسف- بقولك اي نقطنا بسكاتك

.....

مرت سنة ودخلت مريم الجامعة كلية الاعلام الكلية اللي
ياما حلمت بيها

وندي دخلت الكلية اللي بتحلم بيها
ويوسف كبر ورشة ابوه

واحمد وخالد نجحو وبتقديرات عالية

.....

في بيت مريم

-سعاد الحمد لله يارب الف حمد وشكر ليك اخيرا يامريم

مريم- الحمد لله ياماما

الحاج منصور- الف مليون مبروك المرادي بقي هجيبك اللاب
توب اللي انتي كنتي بتحلمي بيه

مريم جريت علي حزن ابوها وحضنته - بجد يابابا
مروة- ايوة بقي عقبالي يارب
رن جرس الباب
اميرة ومحمد- ازيكم
سعاد- حبيبتني اي المفاجأة دي
محمد- سمعنا بنجاح مريم قولنا لازم نيجي ونجيلها الهدية
دي معانا
مريم- حبيبي ياجوز اختي ياعسل ادخل
الكل ضحك

.....

في بيت ندي
ابراهيم- الف مبروك يا حبيبتني
ندي- الله يبارك فيك يابابا
هدي- فرحتينا والله
ندي- ربنا ميحرمني منكم ابدأ واعيش وافرحكم
ياسمين- الف مبروك ياروووحي
ندي- عقبالك يارب يا قلبي

.....

في ورشة يوسف

يوسف- محمود انا هروح اقابل مريم النهاردة!!!

الفصل الثامن

يوسف-محمود انا هروح اقابل مريم النهاردة!!!

محمود-شوف انا سكت وانت اللي فتحت الموضوع

يوسف- ياعم خلص بس

محمود- هي خطوة جميلة بس كنت عاوزها من زمان تفتكر
دا وقتها

يوسف- اه طبعا منا هعملها مفاجأة

محمود- مش فاهم

يوسف- يعني هي بقت ف الجامعة ومحضرها مفاجأة بقالنا
كتير مش بنتكلم كدا فحابب افاجئها

محمود- لا استني شوية

يوسف- ليه

محمود- اسمع كلامي بس اما تتكلمو الاول انت بتقول
بقالكم كتير، مش يمكن شافت غيرك؟

يوسف- عارف انت عاوز اي

محمود- اه انا ماشي اهو مع السلامو عليكم قبل متضرب

.....

خالد- بقولك ياريم متجيبى رقم مريم من معاكي

ريم- اشمعنا

خالد- اباركلها سمعت انها دخلت اعلام ومعايا ف الجامعة

ريم- لا

خالد- ماشي يارخمة

.....

بيجي وليد جار مريم في الشارع يكلم امه حسنية

وليد- امي انا قررت اخطب

حسنية- بجد يا وليد

وليد- طبعا

حسنية- ومين سعيدة الحظ

وليد- مريم

حسنية- دي بنت كويسة ومحترمة واهي بقيت طالبة

جامعية

وليد- انا دبلوم يا امي

حسنية- مش هتلاقي زيك انت بتشتغل شغل حكومة

وكويس

وليد- تفتكري هيوافقو

حسنية- طبعا وانت يعيبك اي؟
وليد- خلاص ان شاء الله نروح لهم يوم الخميس
حسنية- النهاردة اي؟
وليد- التلات
حسنية- ربنا يسعدك يارب يا بني

.....

مريم تليفونها رن من رقم مجهول
- الو

مريم- مين

-ممكن اكلم وائل

مريم - لا النمرة غلط

- ليه غلط بس

عرفت مريم ان الرقم بيعاكس قامت قفلت السكة

رن تليفونها ثاني بس المرادي ندي

ندي- الو

مريم- اي يا حبي

ندي- ع قد منا فرحانة بس زعلانة؛ ازاي مش هنبقي مع

بعض في كلية واحدة واحنا طول عمرنا مع بعض

مريم-كفاية هعيط كدا

ندي- لا ميهمناش برضه مش هنقطع ببعض

مريم- طبعا احنا صحاب وللابد

ندي- انا بفكر اجيلك

مريم- تعالي

ندي- قشطة هشوف ماما واقولك ؛ سلام

مريم- سلام

.....

ولاء قاعدة بتفكر في حجة تروح بيها بيت مريم عشان
تشوف خالد وملاقيتش غير انها تجيلها تباركلها وبمناسبة
انهم في نفس الكلية هي دخلتها برضه عشان خالد

ولاء- حلوة اوي الحجة دي انا هرن عليها

مريم- الو

ولاء- الو

مريم- اي ياولاء عاملة اي

ولاء- الحمد لله ياقلبي ؛ فينك كدا؟

مريم- في البيت ؛ ليه؟

ولاء- بفكر اجيلك ياحببتي اباركك ونحتفل مع بعض

مريم- تعالي تنوري ياحببتي

ولاء- قشطه هلبس واجي سلام

مريم- سلام

ولاء بتكلم نفسها * آن الاوان بقي البس واتشيك واروح
هناك واتصاحب عليها وابقي قريبة من حبيبي *

يدخل عبدالله اخوها الكبير (مخلص دراسته كلية تجارة)

عبدالله- احم احم

ولاء- عاوز اي

عبدالله- شكك بتخططي لحاجة

ولاء- ها لا انا بلبس ونازلة

عبدالله- راحة فين

ولاء- هروح عند صحبتي

عبدالله-مين دي

ولاء- مريم

عبدالله- ودي ساكنة فين

ولاء - اي هو كله تحقيق

بص عبدالله لولاء وهو متترفز

ولاء- ساكنة في..... وراحة نحتفل انا وهي

عبدالله- تمام متتاخريش

ولاء-حاضر

.....

عصام- بجد ياروح بابا
خالد: يلا اهي جاتلك اهي
ريم-ملكش دعوة انت ؛ ماشي انا هلبس
رن تليفون عصام

عصام-تمام هرد علي المكالمة دي
ريم- امشي بقي غور ياخالد يارخم يابارد
خالد- عارفة هبوظلك سقف وشك
ريم-ههههه لا خلاص

.....

مريم- ماما هنزل اشترى حاجة ساقعة قبل م ندي وولاء
ييجو

سعاد-ماشي

وليد شاف مريم في الشارع وقفها

وليد- ازيك يا انسة مريم

مريم- ازيك ياوليد عامل اي

وليد- الحمدلله

مريم- طب الحمدلله

وليد- الف مبروك

مريم - الله يبارك فيك

وليد- الا هي دراستك هتبقى امتي

مريم- الحد ان شاء الله

وليد- ان شاء الله واشوفك دكتورة قد الدنيا

مريم- شكرا يا وليد

وليد-العفو

مريم-همشي بقي عشان راحة اجيب حاجة

وليد- اتفضلي

.....

يوسف بيكلم نفسه* ياااااه مش عارف اي حاصل ومش
بنتكلم ليه وصامتين اوي كل دا ياتري هي عاملة اي عاوز
افاجئها واعتذرلها واشوفها بقي طب هي للدرجادي قلبها
قسي عليا مباقتش تحبني*

وردة- اي يايوسف

يوسف-ست الكل

وردة-شوفت كريمة ام اسماء النهاردة وعزمتهم ع الغدا

يوسف- بجد يا امي ؛ الناس دول طيبين اوي

وردة- بحسهم مننا وزينا يابني برضه من ساعت ممات ابو
اسماء وكريمة ياعيني شايلة البيت غير ابنها اللي متغرب برا
دا اسمه باين سعد وملهومش راجل بس...

قاطع كلامها يوسف- دول اهلي يا امي وانا روحت فين

يعني

وردة- ربنا يخليك لينا يا حبيبي

.....

كريمة- النهاردة شوفت وردة في السوق وعزمتنا ع الغدا

اسماء- بجد ياماما

كريمة - مالك فرحتي كدا ليه

اسماء- ها لا اصل بحبها اوي

كريمة- طيب يلا قومي البسي

اسماء- حاضر فوريرة

.....

وصلت ولاء وندي في نفس الوقت

ولاء- اي دا ندي

ندي- ازيك عاملة اي

ولاء- الحمد لله

ندي- صدفة جميلة

ولاء- اوي

ندي- طب يلا نطلع

وهوما طالعين شافو خالد نازل كان رايح يجيب حاجة

سمعو ريم بتقوله - اه دلوقتي نزلت يا خالد

مريم- طبعا

ولاء اتدخلت- وانا كمان ع فكرة

خالد- بجد الف مبروك ومبروك ياندي

مريم- هي صعبة ياخالد

ندي-ياست عاوزين نطلع

ولاء متنحة مع خالد وهو بيكلم مريم

خالد- بصي انا اي حاجة تقف قصادك هفهمالك واوصي

عليكي الدكاترة وكمان كدا كدا هنبقي هناك سوا

مريم- بجد

خالد- طبعا

ولاء- وانا

خالد- وانتني كمان ياست ولاء

.....

حسنية-عاوزاك تنزل يا حبيبي تشتريك حاجة حلوة كدا

وليد- لسة مش دلوقتي

حسنية- لا دلوقتي تدخل عليهم مالو وهدومك

وليد- حلوة برضه ؛ ونجيلهم اي واحنا جايين

حسنية- نص دستة جاتوه وحتيتين بسبوسة كدا لازم

نبينلهم اننا اهل كرم

وليد- صح انتي صح كدا

.....

وردة- اهلا يا حبيبتى اهلا يا اسماء نورتي

اسماء- ازيك ياماما

وردة - حلوة ماما منك ادخلي

يوسف- نورتونا والله

أسماء قلبها دق

يوسف- ازيك يا امي ازيك يا اسماء

اسماء- الحمد لله

يوسف- يدوم الحمد اتفضلو

اسماء- اقوم اعمل اي حاجة معاكي ياماما

وردة- لا يا حبيبتى خليكى

كريمة- انا هقوم اساعدها

يوسف- منورانا والله

اسماء- نورك

يوسف- اي يابنتى حاسك مكسوفة ليه

اسماء- ها لا ابدا انا بس عشان....

قاطعها يوسف- بس شعرك جميل علي فكرة

اسماء- ها ربنا يخليك

الفصل التاسع

سعاد-جرس الباب بيرن شوفي مين يامروة

مروة -خلي مريم

مريم- ماهي مرمطورة البيت

سعاد- اجي افتح انا يعني اللي بطبخ

مريم- انا قايمة

حسنية- ازيك يا حبيبتني

مريم- اي دا طنط حسنية ازيك؛ ازيك يا وليد؛ اتفضلو

.....

الحاج منصور- اهلا اهلا يا وليد يا بني، ازيك ياست حسنية

حسنية- الحمد لله يا حاج منصور، والله احنا جينا كدا من غير

ميعاد

سعاد- متقوليش كدا احنا اهل

حسنية- ربنا يخليكي يا حبيبتني

مريم ومروة واقفين

حسنية- اقعدو يا بنات واقفين ليه؟

سعاد- اعملك حاجة تشربها

حسنية- ياريت بقي ويكون شربات

الحاج منصور استغرب -احم مش فاهم

حسنية- يعني بالعربي كدا احنا جايين نطلب ايد مريم بنتك
ياحاج منصور لابني وليد

مريم حسنت ان حد خلع قلبها من مكانه وانها خدت قلم
جامد علي وشها وبصت ب اندهاش

الحاج منصور- والله ياست حسنية احنا ينولنا الشرف

حسنية- طبعا اومال اي دا وليد ابني الف مين يتمناه

الحاج منصور-وابن حضرتك كويس ومحترم برضه و....

قاطعته حسنية- طب م نقرا الفاتحة

الحاج منصور- ها بصي احنا زي منتي شايفة وجيتي علي
غفلة كدا لازم الفاتحة وسط العيلة والقرايب وكمان لسة
هناخد راي العروسة ولا اي؟

حسنية- طبعا طبعا، خلاص احنا هنستاذن احنا ونبقي
نستني منكم الرد.

الحاج منصور- ان شاء الله ربنا يقدم اللي فيه الخير

.....

ريم- مالك ياخالد

خالد- حاسس اني مخنوق

ريم- ازاي يعني

خالد- مش عارف اول مرة احس ب الاحساس دا، بس يلا

مش مهم كل حاجة هتبقى كويسة

.....

مروة- يا عروستنا انتي يا غسل

مريم- بس بقي بطلي الكلام دا

سعاد- اي يا مريم صوتك عالي ليه

الحاج منصور- انا عاوز مريم لوحدينا

مروة- ايوة بقي ، انا لو منك اوافق علي طول

الحاج منصور- مريم يابنتي

مريم- نعم يا بابا

الحاج منصور- انا طبعا مش هينفع ارد عليهم غير لما اسمع

ردك يابنتي

مريم- هاهah

الحاج منصور- عارف انك متوترة ومكسوفة وانك اول مرة

يحصل معاكي كذا ف انا هسيبك براحتك واول متخلصي

تفكير تعالي وقوليلي

مريم- حاضر يا بابا

.....

رن تليفون مريم- الو

ريم- الو

مريم- عاملة اي

ريم- ازيك يا حبيبتني، مال صوتك

مريم كانت بتعيط- ها لا مفيش

ريم- لا شكك زعلانة طب انزلك

مريم-ها لا خلاص انا هطلعك

.....

وردة- واد يا يوسف

يوسف- اي يا امي

وردة- اسماء نسيت تليفونها روح ودهولها

يوسف- اي دا بجد

وردة- اهو

يوسف مسك التليفون وفتحها كانت حاطة صورتها خلفية
لقي الفون من غير كلمة سر فضوله وصله انه يفتح الصور
ويتفرج علي صورها وهو بيتفرج رجع لعقله وقال في
نفسه* ها لا انت بتعمل اي يا يوسف دي اسماء يعني في
مقام اختك وانت كمان كدا بتخون مريم بس انت ومريم
مبتتكلموش انا مش عارف كان اي خالاني اعمل كدا وخالانا
منتكلمش*

فلاش باك

لما روحت مريم من جنينة الحيوانات رنت علي يوسف

يوسف- الو، انا رنيت عليكى مرديتيش ليه

مريم- اصل...

يوسف- اصل اي؟؟؟

مريم- انا كنت في الجنينة وكان معايا ندي و..

قاطعها- انتم اتصالحتمو؟؟؟،ة وبقيتي تخبي كمان وتخرجي
من غير متقولي ومين كمان يا مريم؟؟؟

مريم- جارنا خالد وولاء صحبتي وابن عمها احمد اللي هو
صاحب خالد

يوسف- الله الله

مريم- استني بس افهمك اللي حصل

يوسف- لا مش عاوز افهم سلام

وقفل السكة

.....

ومن بعدها وهي كانت كل مترن عليه مكانش يرد كانت تبات
كل يوم وهي زعلانة ودموعها علي خدها وهو مش حاسس ،
بتبعته علي الفيس والواتس وحاولت كتير توصله بس
اكتشفت انها متعرفش عنه حاجة يعني لو اختفي او مردش
مكانتش هتعرف توصله ، كانت بتحكي لندي وقتها وكانت
ندي واقفة جنبها وبرغم انها بعدت شوية عنه الا انها لسة
بتحبه ومستنياه يكلمها لانها وعدت ندي انها مش هترن
بسبب انها حاولت كتير تكلمه وهو رفض بس وهو كان عاوز

يعملها مفاجأة ويصالحها بس بعد موضوع العريس دا هتلا
قي فيه حاجات كتير اتغيرت

.....

خالد- مين ع الباب

مريم- انا ياخالد افتح

خالد- اتفضلي يا مريم

ريم- تعالي نقعد في الاوضة عندي

خالد- فيه حاجة ولا اي

مريم- لا مفيش

ريم- متقلقيش انتي ممكن تحكي لخالد يا مريم وهو هيحلك
كل حاجة، احنا اخواتك يا مريم ، ومتقلقيش محدش ف
البيت غيري انا وخالد

مريم تنهار من العياط قدام ريم وخالد وتجري علي حضن
ريم

مريم- انا تعبانة انا مخنوقة انا بحاول اتماسك من بدري انا
تعبت انا مش قادرة انا عاوزة اعيط، اعيط بس

ريم- اهدي يا مريم اهدي

مريم- تعبت والله حاسة انه مفيش غيري في الدنيا ددي
اللي بتزعل

خالد- غلط يا مريم متقوليش كدا

مريم- مش قادرة ياخالد

ريم- طب احكي اي مضايقتك

خالد- لا سببها تهدي شوية ياريم، وروحي اعمليلها اي
حاجة تشربها

ريم- حاضر

هديت مريم وشربت العصير وطلب منها خالد تحكي

مريم-ها لا انا بقيت كويسة اوي دلوقتي ، انا مش عارفة انا
عملت كدا ازاي انا لازم انزل

ريم- يابنتي دا طبيعي انتي كنتي مخنوقة

مريم-شكرا ياريم، شكرا ياخالد، انا هنزل

ريم- يابنتي....

قاطع خالد ريم- سببها علي راحتها

.....

ولاء- اي يا عبدالله سمعت انك هتخطب

عبدالله- هتجوز علي طول ياختي هو انا فاضي خطوبة
وبتاع، انتي عارفة يابنتي اخوكي عنده كام سنة

ولاء-26 لسة صغير برضه

عبدالله- وهي 24 يعني مالوش لزوم خطوبة وجهزي يلا
نفسك عشان تيجي معنا

ولاء- بجد يا عبدالله، هتروح انهاردة تتقدم

عبدالله- اومال اي

ولاء- ماشي هلبس بسرعة اهو

تدخل فاطمة مامت عبدالله وولاء

فاطمة- ها يابني جهزت نفسك

يقاطعها سعيد جوزها -يلا يا عبدالله هنتأخر

ولاء- ثواني يا بابا بس اهو عشان هاجي معاكم

سعيد- هستناكم تحت

.....

وليد- تفتكري هيوافقو يا امي

حسنية- طبعا هوما هيلاقو زيك فين

وليد-طب دول اتاخرو في الرد

حسنية- مستعجل علي اي يابني مهوم لازم يتاخرو عادي

حتي لو موافقين

.....

بدات الدراسة ونزلت مريم من اول يوم هي عارفة ان اكيد

مش هيبداو اول يوم بس حبت تغير جو وتدخل تتفرج علي

جامعتها ومكان المبني والمدرجات بتاعتها في نفس الوقت

يوسف لبس ونزل وراح عند الجامعة عشان يعملها المفاجأة

اللي قال عليها

خالد شاف مريم بتدور علي جدولها واتقدم عندها عشان

.....

مريم دخلت المبني بتاعها ولقت شاب واقف وكان مديها
ضهره ندهت عليه عشان تساله فين مدرج 90

مريم- لو سمحت! اي دا خالد؟

خالد-مريم. اي الصدفة دي

مريم- انا كدة اتطمنت الحمدلله

خالد- مش فاهم

مريم-كنت حاسة اني لو حدي

خالد-ازاي مش ولاء معاكي ف الكلية

مريم- معايا اه بس هي مجاتش واحنا مش صحاب اوي

خالد- اه فاهم طب اي جابك اول يوم

مريم-مخنوقة وكنت بغير جو

خالد- صح عاوز اعرف بقي اي اللي كان مضايقك بصي قبل

متقولي مفيش احنا من النهاردة صحاااب عشان تعرفي

تحكيلي، ولا انتي عندك صحاب ولاد

مريم- ندي بس

خالد- حلو وانا بقي هكون صاحبك الجديد وبعون الله

هثبتلك اني قدها جربي بس

اتوترت مريم وخالد لاحظ

خالد-مريم بوصيلي اديني فرصه واحكي والله مهتندمي

استجابت مريم

خالد- طب حلو يلا بقي اقعدك في المكان اللي بحبه في
الجامعة واجيب احلي شيكولاتة وبيبس عشان تقدري تقولي
كل حاجة بس وعد متخبيش

مريم-ماشي

.....

محمود- ايوه يا يوسف

يوسف- اي يابني

محمود- انت فين

يوسف- انا قدام الجامعة

محمود- شوفتها ولا لسة

يوسف- بنات كتير خارجة وداخلة ولسة مشفتهاش

محمود- مهم طب اجيلك

يوسف- انت عارف انه مينفعش

محمود- تمام بس طمني

يوسف-ماشي

.....

ولاء في نفسها*انا بفكر اروح لمريم اعزمها وبالمرّة الكد علي
خالد مع ان معايا رقمها بس عشان عاوزه اروووح هناك*

.....

الفصل العاشر

مريم حكت لخالد كل حاجة ومخبيتش عنه اي جزء لان من
عادتها الصراحة وخالد تفهم كل حرف قالته ومرضاش
يلومها بس اكتفي انه يبقي معاها وينصحها

خالد-بصي يا مريم انتي عندك حق في كل احساس حسيتيه
وكل اللي سمعته دا انا اه مستغرب بس لانك كنتي عايشة
في بيئة انك مقفول عليكي معندكيش تجارب ومش
بتخلطلي مع حد وطبيعي موضوع الفيس دا ومن ورا
الشاشة وكسوفك وانك بقيتي تحبي التعامل عليه ومع كل
اللي حواليك يعني اراهنك اذا كنتي بتقعدي مع اهلك زي
مبتقعدي عليه مبدايا كدا اسمحيلي اقولك ان حبك ليوسف
دا مش حب

مريم- اي ازاي يا خالد ده شوف بقالنا قد اي دا....

قاطعها خالد- يابنتي انتي عيدي كلامي اللي قولته تاني
ركزي فيه كدا هفهمهولك بس متقاطعينش

مريم- ماشي

خالد-بصي ياست البنات مبدايا كدا انتي قولتي مشوفتهوش
ولا مرة غير صور تمام حبيتهم بعض من ورا الشاشة شات
يعني طب هو الفترة الكبيرة اللي معاكي فيها دي عمل اي
اثبتك انه بيحبك جه اتقدم؟ ماشي حلو كلمتي مامته

وبعدين خلاكي تزعلي مع ندي تمام برضه وكل دا انتي مش
شايلاه والاهم انك خونتي ثقة اهلك صح قولي لو كلامي
فيه حاجة غلط انا متفاهم جدا ع فكرة

مريم- كل كلامك صح

خالد- يبقي تعملي اللي هقولك عليه

مريم- حاضر

خالد- لا متكشريش عارف انه هيتعبك بس التعب لو هو حب
حقيقي الحب يامريم بالمواقف يبقي قدامك تبقي عارفاه هو
كدة بيعرفك اللي هو عاوز يعرفك عليه تعرفي كدا؟

مريم- انت كل كلامك صح

خالد- وبطلتي جو الوحدة والانطواء وسعي معرفتك زودي
خبرات اتعلمي من غلطك الحب دا بيتحط جوا قلب الواحد
مبيعرفش هو اتحط امتي وازاي وفين فهمتيني بعيدا بقي
عن انه فهمك الحب بطريقته هو عشان يكسب صفك
ويخليكي تتوهمي انك بتحبيه انتم بينكم اكر من شهر
مبتتكلموش المفروض المهلة متحددة ثلاث ايام عن كدا
يابنت الناس قدر ميكلمكيش فيها يبقي خلاص بالسلامة

مريم- فهمتك

خالد- موضوع بقي العريس اولا انتي اكيد مش موافقة
وباباكي عجبني انه قالك تفكري

مريم- اه قالي كدا

خالد- تمام وباللي انتي قولتهولي عن وليد دا انه مش معاه

تعليم عالي وانتي بسم الله ماشاء الله في جامعة ف مش
هيناسبك لازم يامرهم تفكري بعقلك وتشوفي الانسان اللي
قدامه يستاهلك ولا مناسب ولا، دا ممكن مع اول
خناقة مثلا... بصي عشان مخوفكيش المهم تكوني عارفة
تفكيره يعني مثلا استني اللي يستاهلني ولا اني اول حد
اقبله اغمض عيني عن كل اللي عاوزه، هو اصلا في البداية
والنهاية نصيب بس انك تكوني مع شريك يكمل روحك
ويبقى فاهمك هتعيشي معاه مرتاحة جدا

مريم- انا كنت معرفش كل الكلام دا ، انت فعلا زي م ريم ق
الت انك بتحل كل المشاكل وبجد انا استوعبت حاجات كثير
كانت غايبة عني

خالد- خدي هنا صح ومستقبلك تركزي فيه بقي ياماما ها

مريم- هههههه حاضر

خالد- يلا بقي عشان نروح

مريم- شكرا ياخالد

خالد- عيب شكرا، احسن وربنا انولك بحاجة في وشك

مريم- ههههههه انت عنيف ليه

خالد- يلا بقي لمي حاجتك عشان نمشي

مريم- طب هنخرج من باب الكلية

خالد- تعالي من الباب دا اسهل وهنلاقي فيه مواصلات

مريم- ماشي

.....
يوسف في نفسه* الساعة بقت 5 ومشوفتهاش تكونش
مجاتش بس ازاي ؟؟؟؟ انا همشي* واما ارواح هرن عليها

.....
رن جرس الباب

سعاد- مين

ولاء- انا يا طنط

سعاد- اتفضلي يا بنتي

ولاء- هي مريم مش هنا ولا اي

سعاد- لسة مجاتش من الجامعة، بس زمانها جاية

.....
دخل خالد ومريم الشارع شافهم وليد واتقدم لعندهم

وليد- مريم مين دا

خالد- انت اللي مين

مريم- وليد دا خالد جارنا ، وبعدين بتسال ليه

خالد- انت بقي وليد

وليد- هو اي اللي بسال ليه انا هبقي خطيبك

خالد- انت متزعقلهاش

مريم- بس يا خالد اهدي يلا نطلع

دخل خالد ومريم البيت خالد- علي فكرة مكانش ينفع يكلمك
كدة، دة لسة محصلش حاجة وشوفي بيعاملك ازاي

مريم حست بالفرحة من كلام خالد بس رجعت لنفسها
ومعرفتش اي سبب الفرحة دي

خالد- اي يابنتي ، ساكتة ليه؟؟؟

مريم-ها لا مفيش

خالد- طب انا كنت عاوز اسلم علي مامتك

مريم-تعالى هي جوا

رن الجرس

سعاد- مين

مريم- انا ياماما ومعايا خالد

ولاء حست بالفرحة من اول مسمعت اسمه بس تصنعت
الثبات

سعاد- ازيك ياخالد

خالد- ازيك ياماما سعاد

مريم- اي دا ولاء

ولاء- مريومة وحشتيني

خالد- لوءة عاملة اية

ولاء- الحمدلله انا جيت ياطنط اعزم مريم علي فرح اخويا ،
وانت كدة كدة ياخالد معزوم وش

خالد- والله يابنتي احمد قالي بس لسة مديتهوش الاوكيه

ولاء- لا لازم تيجي

مريم-تعالى ياخالد

خالد بص لمريم بعد مسمع كلمتها ووافق

.....

دخل خالد اوضته وافتكرو اللي حصل في اول يومه ، هو

مش متعود يحصل معاه كده وهو سارح في خياله دخلت

عليه مريم

مريم-خالد

خالد- مريم

مريم-وحشتني ياخالد

خالد مسك ايدها- ها بجد وحشتك يا مريم

مريم- اوي ياخالد

خالد- بحبك يا مريم وحضنها

سمع خالد صوت ريم- اصحي ياخالد سيب ايدي يابني

قام خالد من نومه- يانهار اي دا

ريم- اي

خالد- اي اللي حصل دا

ريم- اي يابني

خالد- بس كان جميل الحلم اوي
ريم- صح انا سمعتك بتقول مريم

خالد-اي انتي هبلة صح

ريم- اه والله

خالد- صحيتيني ليه

ريم- عشان تتغدي يلا

خالد- ماشي قايم

.....

محمود- ازاي بقي تقف كل دا ومتشوفهاش

يوسف- مش عارف بقي

محمود- طب متجرب ترن عليها

يوسف- انا فعلا هعمل كدة اما ارواح

محمود-ياعم جرب دلوقتي

يوسف- لا لا اما ارواح

تدخل اسماء عليهم بالشاي

اسماء- فتحت النهاردة الورشة متأخر يا يوسف

يوسف- كنت في مشوار كدة

محمود- اهلا يا انسة اسماء

يوسف- اهلا يا محمود

اسماء- ههههه اهلا يامحمود

يوسف- طب اطلعي وهاتي الشاي

اسماء- حاضر

محمود- اي ياسطي دنا بهزر انت بتغير

يوسف- دي اختي

محمود- م انت طول مبتقول علي كل بنت تقابلها تقولي

اختي يبقي مش هتتجوز في ليلتك دي

يوسف- يلا بس اشرب الشاي عشان هقفل الورشة واروح

البيت واكلم مريم

.....

وليد- شوفتي ياماما

حسنية- فيه اي

وليد- النهاردة شوفت مريم بكل بجاجة ماشية مع واحد في

الشارع وعمالة تضحك وتهزر معاه ودا جارنا ياوليد

حسنية- قليلة الرباية ، خلاص يابني كويس انكم لسة علي

البر و....

قاطعها وليد

وليد- ايوة بس انا زعقتلها وهي سمعت الكلام واعتذرتلي

حسنية- جدع يابني، ايوة كدة لازم تسيطر من اولها

.....

مريم قاعدة في اوضتها وبتفتكر كلام خالد وهو بيقلها
- دا مش حب ، الشخص اللي يستاهلك.....، يفهمك،
ترتاحي معاه، مستقبلك.....

رن تليفون مريم المكالمة من يوسف

بصت للتليفون باندهاش وقالت يووووووووووسف!!!!!!

اي دا لما افكر خلاص واخذ القرار واعرف انا هعمل اي فاجأة
الاقبيك رنيت يارتني كنت عملت كدة من زمان بس لا دا اكيد
اختبار ليا عشان اشوف هل هكمل في الوهم دا وولا انهيه
ولو كملت فيه هنتهي ودا مش حب ومش بيحبني طب بيرن
ليه وعاوز اي هو مش لما كنت برن مكانش بيروود بس خلا
ص انا عرفت هعمل اي؟

مسكت التليفون وهو كان بيرن للمرة الثالثة فتحت عليه

يوسف-الو

مريم- ايوة مين معايا

يوسف- مين معاكي؟

مريم- صوتك مش غريب عليا

يوسف- بجد والله

مريم- اه عرفتك انت يوسف صح

يوسف- انتي بتتكلمي كدة ليه

مريم- معلىش اصلي مسحت رقمك من عندي من وقتها

وفتحت كدة افتكرت حد من صحابي

يوسف- بتكدي لييه

مريم- عاوز اي يايوسف

يوسف- كمان عاوز اي يايوسف

مريم-هتخلص ولا اقفل

يوسف-اسلوبك في الكلام مش عاجبني

مريم - مش مهم

يوسف- طيب تمام هكلمك شوية كدة لما تهدي

مريم- ولا شوية كدة ولا بعدين خلاص انا نهيت كل حاجة من وقتها اللي بينا دا مش حب انت اصلا مش بتحبني وبتضحك علي نفسك وعليا، تقدر تقولي كنت فين طول الشهر دي كلها ، كنت بتحبني من بعيد صح ، كنت عايش عادي، ومش عارف انا كنت فين وعاملة اي ولا اي حاجة عني ، تليفونك كان مغلق دننا حتي مكانش معايا غير رقمك ، ومكونتش عارفة اوصلك، وكل دا ليه عشان جيت صارحتك وحكيتلك ومخبيتش عنك، انت كدة حلو لما اتخانقنا ووصلتنا لكدة تعودني علي غيابك وتيجي ترجع ، عارف يايوسف مين وقف جنبني ندي اللي كنت طول عمرك بتكرهني فيها وانا زي الغبية مش واخدة بالي خليتني اخون ثقة اهلي فيا، بص مالوش لزوم وداعي انا هعتبر اللي بينا محصلش وياريت تمسح رقمي وصورتي وكل حاجة تخصني وصح عشان متحاولش انا جالي عريس، عقبالك كدة يارب وقبل مقولك اشوف وشك بخير ، انا بشكرك علي حاجة قدمتهالي.

يوسف مصدوووووم من كل اللي مريم قالته ومش عارف
يرد يقول اي قد اي هي شايلة منه

يوسف-انا اللي اتشرفت بيكي جدا ومش هنساكي

مريم- لا ياريت تنساني ، لاني هبقي مع اللي يستاهلني
ومحبش حد يفكر فيا غيره

يوسف- مش هقدر اقولك غير ان ندي شكلها لعبت في
دماغك وخليتك تقولي كل دا

مريم- لسة بتحاول برضه ، هاهاها ربح دماغك وريحني
معاك مش ندي وعموما حصل خير

يوسف- انتي عايزة كل اللي بينا ينتهي كدة

مريم- اي اللي بينا ها؟ احنا مفيش بينا حاجة اصلا دا وهم

يوسف-تمام يا مريم وانا هعمل كل اللي قولتي عليه

مريم- شكرا جدا والاحلي مافي ف الموضوع الشهور اللي
عدت دي عودتك اهي يعني مش هتحس بزعل ولا ضيقة

يوسف- اشوف وشك بخير

مريم- ياريت متشوفه اصلا، انا هقفل

يوسف- تمام، سلام

.....

مريم في نفسها* هو ازاي عرف اني مضايقة ومن اول
مشافني ازاي قدر يفهمني ويعرف كل دا انا علي طول ببقني
كدة ومحدث بيحس عليا حاجة حتي يوسف كان يعرف من
فعلي بس لما مكونش برد عليه انما خالد من اول مشافني ق
ال هو فيه اي؟*

.....

ولاء- يا احمد مترن علي خالد شوفه، الناس جاية رايحة في
القاعة حتي اخويا العريس جه وصاحبك لسة مجاش

احمد- لسة مكلمه وقايلي انه جاي في الطريق، وصح انتي
سايبه الدنيا كلها ومشغولة بيه يعني

ولاء- ها لا بس عشان بحب استقبل الضيوف

احمد- اهو وصل ومعاه مريم باين

ولاء في *سرها اي اللي جابها دي انا كنت عاوزه اقعد انا
وهو لوحدينا!*

خالد- ازبكم الف مبروك

احمد- ازبك ياخالودة

مريم- ازبك ياولاء ، ازبك يا احمد

ولاء- والله بجد نورتي يا حبيبتي ، يلا ندخل

مريم وهي ماشية معاهم عشان تدخل القاعة كانت هتقع
بس خالد لحقها ومسك ايدها وولاء لاحظت وبصلتها بحقد

مريم وخالد ماسك ايدها وماشي باصتله بطريقة اول مرة

واهتمامها بيه الزايد

ولاء- يالا ياخالد بقي

خالد- مهو هقولك لا قوليلي ليه! عشان مينفعش اسيب مريم
قاعدة لوحدها علي التربيذة وهي متعرفش حد هنا

مريم- لا عادي والله

ولاء- اهي قالت عادي يلا بقي

احمد- بقولك ياولاء امك عاوزاكي هناك عشان تسلمي علي
ناس

ولاء* هو دا وقته يا احمد خلاص كنت هقوم ارقص مع خالد
الله يسامحك*

ولاء- طيب ماشي، استأذن انا

احمد- معلش ياخالد والله معارف اقعد معاك بس انا بن عم
العريس وف مقام اخوه

خالد-ياسطي عيب عليك عارف ومقدر دا

مريم اتبسطة من الطريقة اللي احمد وخالد بيتعاملو بيها
مع بعض

خالد- اي مبسوطة بالجو

مريم-الحمدلله

خالد- انتي فيه حاجة حصلت معاكي صح

مريم- كمان عرفت ان فيه حاجة حصلت معايا

خالد- مش فاهم

مريم- مستغربة انك عارف كل حاجة كدا من قبل مقولها

خالد- اومال اي يابنتي

ولاء- يالا ياخالد بقي تعالي

مريم بتبص لولاء وهي مضايقة علي طريققتها واسلوبها مع خالد والحاحها الشديد ليه وبتبص لخالد عشان تشوف ردة فعله

خالد- يلا ياستي وامري لله

ولاء- الله دي اغنية سلو يلا بقي نلحقها من اولها وشدت خالده ومشيت

مريم اتغاضت وتعبيرات وشها كانت باينة بس حاولت تخبئها * اي هو فيه اي مش بيقول زي اخته وقام رقص معاها يعني عادي بس هي مش معتبراه زي اخوها وبعدين انا مالي فيا اي انا كدة عرفت هي ليه بقيت بتجيلي البيت احنا اصلا مكوناش بنتعامل خالص وفاجاءة بتقولي يا حبيبتني ويا معرفش اي *

ولاء و خالد بيرقصو

ولاء- عارف ياخالد بحب الاغنية دي اوي

خالد-منا واخذ بالي وبيبص علي مريم

ولاء- انت مش مركز معايا وبتبص علي مريم كتير كدة ليه

خالد سكت وقال- مامتها موصياني عليها واحنا جايين

ولاء- قول كدة بقي

خالد- مش فاهم

ولاء- يعني جايين مع بعض، ومسكتها من ايدها لما كانت هتقع وكمان مكنتش عاوز تقوم ترقص معايا عشانها و....

خالد- بس متكلميش كدة، اللي بتكلمي عليها دي صاحبك

ولاء- انا اصلا معنديش صحاب، انت كل دا ولسة مفهمتش ياخالد انا بعمل دة ليه

خالد- تقصدي اي؟

ولاء- افكرتك اذكي من كدة

خالد- عاوزه توصلي لايه؟

ولاء- لقلبك

خالد- ولاء بصي انا اعرفك من كتير وانتي زي اختي وعمري مفكرت فيكي كدا واحمد صاحبي فبلاش اللي بتقوليه دا وبعد اذنك

ولاء- استني بس انا مش قصدي انا....

قاطعها خالد- قصدك كله اتضح خلاص

ولاء- اديني فرصة وافهمني

خالد- انا بعذر وعشان ننهي الموضوع دا حالا انا علي علاقة وهخطب اصلا ومينفعش اخون اللي بحبها

ولاء اتصدمت- اي علي علاقة؟؟؟؟

خالد-ايوة

ولاء- ومين سعيدة الحظ

خالد اتوتر ومش متعود بيكذب بس هو عمل الصح وعمال
يبص حواليه ومش عارف يعمل اي ولو مقالهاش مين
هتعرف انه بيكذب عينه جت علي مريم فقال - مريم
ولاء المرادي الصدمة كبيرة عليها ومش مصدقة اللي سمعته
خلصت الاغنية وسابها وراحو علي التربيذة اللي فيها مريم

مريم- انا همشي ياخالد

خالد- ليه بس

مريم- مفيش

خالد حس بالغيرة اللي طالعة من عينيها وتصرفاتها وان
ردودها سريعة وموقف مريم دا اكد لولاء كلام خالد
خالد- طب نستني شوية احنا ملحقناش نقعد مع بعض

مريم- لا خليك انت ، انا ممكن اروح لوحدي

خالد- بتهزري صح، يلا يامريم

ولاء متابعة الحوار ومش عارفة تعمل اي مصدومة من اللي
سمعته واللي شافته ونظرات الحقد لمريم في عيونها

احمد- يلا انا فضيت اهو

خالد- محنا هنمشي

احمد- ليه بس

خالد- مريم عاوزه تروح ومينفعش اسيبها لوحدها

احمد- خلاص قشطة اشوفك بكرة في الجامعة

خالد- تمام سلام والى مبروك

.....

دخل خالد ومريم الشارع وشافهم وليد ووقفهم والمرادي

كان هييمد ايده على مريم

وليد- الله الله كمان جاية متأخر

خالد- انت عاوز اي؟

وليد- انت تكست خالص

خالد- انت اللي متتكلمش اصلا

مريم- بس يا وليد صوتك عالي ليه

وليد- صوتي عالي ليه؟ وكمان مش عارفة ، ورفع وليد ايده

على مريم خالد مسكها واداله هو القلم

مريم اتصدمت

خالد- دا بس عشان فكرت تعملها، وياريت مشوفكش بتكلمها

تاني، وخذها قاعدة الراجل اللي يمد ايده على واحدة

مبيقاش راجل.

.....

مريم طلعت لبابها ومامتها وهي بتعيط

سعاد- مالك يابنتي

الحاج منصور- فيه اي

مريم- انا مش موافقة علي وليد، دا كان هيضربني في
الشارع قدام خالد

الحاج منصور- اي؟؟؟ بتقولي اي؟؟؟ يضربك

مريم- اه والله يابابا

الحاج منصور- لا دنا لازم انزله بقي

مريم- خلاص يابابا خالد جابلي حقي

سعاد- انا لازم اكلم مامته

الحاج منصور- خلاص الموضوع اتقفل كدة ومالناش دعوة بـ
الناس دول.

.....

حسنية- مال وشك احمرليه؟

وليد- اصل..... وحكي الحوار

حسنية- قليلة الرباية والواد دا ينشك في ايده ، انا لازم
اروحلهم ازاي يعملو فيك كدة

.....

خالد قاعد بي فكر* انت كل دا لسة مفهمتش ياخالد انا بعمل
دا ليه؟*

انا همشي ياخالد..... لا مفيش

*خدها قاعدة الراجل اللي يمد ايده علي واحدة ميبقاش

يوسف- او مال

محمود- طب منا ممكن اعجب بشخصية من عليه ونتقابل
ونعرف بعض اكثر واحبها واتجوزها ، اكيد مش هحبها من
شات والكلام دا بس ابقى عارفها وعارف كل حاجة عنها دا
فيه ناس كتير دلوقتي بيتجوزا من عليه طب عارف دا زي
حوار انك اتعرفت ع حد ف مكان ، عيبك يا صاحبي انك مثلا
اتعرفت ع الحد دا ف المكان وحببته من غير متشوفه ولا
تعرفه اصلا وتعرف هو كويس ولا لاء ويستاهل وكدة

يوسف- لا مش فاهم، يعني مريم مش كويسة؟

محمود- لا مش قصدي كدة عاوز بس افهمك انه انت اللي
بدات معاك بحب وشات وتليفونات وكان كلامكم معظمه
حب مفيش مسؤولية مواقف يابني المواقف بتظهر معدن
الشخص وانا مع كل الكلام اللي هي قالتها لك بقي هي كدة
صح ودة موقف اهو واثبت وانه فعلا مش حب، وارجع اعيد
تاني انت ولا شوفتها ولا شافتك ولا فهمتوا فكر واخلاق
بعض ولا عرفت اهلها وقدرت كمان متكلمهاش بالشهور

يوسف- هو كل دا فعلا حصل مكنتش عارف ازاي قدرت اني
مكلمهاش بس ازاي مش حب؟؟

محمود- انت اتعودت عليها مش اكثر يا يوسف، وان الاوان
تعرف يا صاحبي ان كلنا فترات ف حياة بعض ومحدث
بيدوم بس علينا اننا نحسن وجودنا ف الفترات دي، ركز
واسمع كلامي كويس وهتلاقي اللي تحبك وتخاف عليك
وتصونك وتبقي عارفها وقدامك

تدخل اسماء- معلىش يا يوسف انت بقالك كتير مبتجيش
الورشة واول مشوفتك فاتح نزلت ف اعذرني بقي بس كنت
عاوزه اعرف ليه الغيبة دي كلها؟

محمود- كان تعبان شوية

اسماء اتخضت ونبرة صوتها اتغيرت- اي؟ تعبان؟ ماله؟؟

يوسف- لا لا هدي نفسك الحمد لله بقيت كويس

محمود- استأذنك بس تعمليلنا كوبايتين شاي

اسماء- حاضر عينيا

محمود- بتخاف عليك اوي علي فكرة

يوسف- تقصد اي؟

محمود- انها بتحبك وانت مش شايف، اهو موقف اهو وانت
بتتعمد متاخذش بالك من اللي بيحبك

يوسف- اسماء بتحبني زي اخوها

محمود- اسماء بتحبك ومش زي اخوها، هي بنت محترمة
ومش بتبين بس افعالها ونظراتها فضحاها واكيد مش
هتيجي تقولك انا بحبك يعني

يوسف- محمود والنبي اسكت شوية

محمود- طب انا ماشي ورايا ميعاد كدا، سلام

يوسف- سلام

اسماء- الشاي، اي دا هو فين؟

ضحكتها بتسحره

خالد- طب متيجي نقعد في المكان بتاعنا عشان تعرفي

تحكي

مريم- يلا

.....

الفصل الثاني عشر

رن جرس الباب

سعاد- مين، افتحي يامروة

مروة- حاضر

سعاد- حسنية؟؟؟؟

حسنية- اه حسنية..، مش عيب اللي بنتك عملته دا مع وليد

ابني والواد دا اللي اسمه خالد يضربه

سعاد- ابنك اللي غلطان ياست حسنية

حسنية- لا انا ابني مش غلطان في حاجة، دي كانت هتبقي

مراته يعني بيحافظ عليها وخايف عليها، وهي في الاخر

طلعت قليلة الرباية

سعاد- لا حسني كلامك انتي اول حاجة في بيتنا ثانيا
متتكلميش عن بنتي كدة

حسنية- اه عارفة بنتك وهي داخلة خارجة مع شباب

سعاد- لا اخرسي بقي ويلا من غير مطرود دنتي حتي عارفة
ان ابوها شيخ ، تربية الشيخ هتبقي كدة ياست حسنية ،
اتقي الله في كلامك

حسنية- كمان بتطروديني والله عال ، نسب يشرف فعلا

سعاد- انتي لو مخرجتيش من هنا انا هتصرف تصرف يزعلك

حسنية- كمان بتهدديني

سعاد- مع السلامة

.....

خالد- طب انا مبسوط جدا بالكلام دا يامريم وانك عملتي
بيه

مريم- الحمد لله

خالد- بس دا برضه مكانش خلاكي تضايقي، حقك تفرحي
وتبقي فخورة بنفسك

مريم- منا عملت دة بعدين

خالد-صح بالنسبة لامبارح

مريم- ماله اما ضربت وليد، لا متقلقش انا قولت لبابا وخلا
ص رفضته

خالد- مش قصدي ع كدة

مريم- بس انا كنت حابة اشكرك انك دافعت عني

خالد-وربنا عيب ولو سمعت كلمة اشكرك او شكرا دي

مريم- خلاص اهو، قصدك علي اي بقي

خالد- انك غيرتي عليا لما روحت رقصت مع ولاء

مريم اتوترت وفضلت تلعب بصوابعها وسكتت

خالد- مرديتيش يعني

مريم- لا اغير ليه يعني

خالد- احلفي كدة طيب انك مغيرتيش

تدخل ولاء

ولاء- اهلا اهلا بالحبائب

خالد* الله يسامحك ياولاء بتيجي في لحظات*

مريم- ازيك ياولاء

ولاء- اي ياخالد مبرودش السلام ليه؟

خالد- وعليكم

ولاء- طب خلاص اسفة اني قطعت عليكم ، شكل الموضوع

كان كبير كملو؟

خالد- انتي بتقولي اي؟

مريم-تقصدي اي؟

ولاء- عليا انا برضه يا مريم، طب مكنتي تقولي بدل مكنت
اسمع من برا

مريم- مش فاهمة

خالد-ولاء احمد بيناديلك

بصت لخالد وعرفت انه بيمشيها - طيب ماشي

مريم- اي اللي هي بتقوله دا؟

خالد- عبيطة في مخها معلش يلا نروح

مريم- يلا

.....

هدي- اي ياندي يعني مش هتكلمي مريم تقوليلها علي الخبر

ندي- طبعا ياماما دي اول شخص هقوله، انا هرن عليها

رن تليفون مريم

مريم- الو

ندي- الو يارووووما وحشاني

مريم- انتي كمان يا حبي والله يعني الدراسة تفرقنا وتاخذنا

من بعض كدة؟

ندي- لا طبعا يا قلبي احنا مع بعض علي طول

مريم- طبعا ياروحي، وحشاني اوي

ندي- انتي كمان، لا واي جيبالك خبر انما اي

الحاج منصور- الله يرحمه

مريم- بابا خلاص متكلمش وليد ولا حد وسيبهم كدة
بغيزهم

مروة- انا بقول كدة برضه

الحاج منصور- خلاص يابنتي وربنا يسامحهم بقي

.....

وردة- برضه مش هتاكل؟

يوسف- ماليش نفس

وردة- وربنا ازعل منك يايوسف

يوسف- خلاص يا امي هاكل عشان متزعليش

وردة- عاوزة افرح بيك يابني؟ ، قبل مموت

يوسف- كدة نفس اتسدت.

وردة بتعيط- مش قصدي يابني بس المرض الوحش عمال
ياكل في جسمي وحاسة ان نهايتي قربت

يوسف عينه دمعت- يا امي ان شاء الله هتعملي العملية
وتبقي زي الفل متقوليش بقي الكلام دا تاني ، انتي مش
وعدتيني مش هتقولي كدة تاني؟

وردة- سامحني يابني انا بقول علي اللي حساه

يوسف- وانا ياستي هتجوز عشان افرحك

وردة- بجد يايوسف، مين ها؟

يوسف- اسماء

وردة-حبيبي اسماء كويسة ومحترمة ومتعلمة ، فرحتني و
الله بس مريم صح هتعمل معاها اي؟

يوسف- لا دي فترة وعدت

.....

سعاد- مريم

مريم- نعم

سعاد- انتي فيه حاجة بينك وبين خالد؟

مريم- اي ياماما ليه بتقولي كدة؟

سعاد- يابنتي مقصدش انا واثقة فيكي واكيد لو فيه هتيجي
تحكي لي ، انا بس بطمن عليك

مريم- متقلقيش ياست الكل، انا بس هلبس واروح لندي
عشان قراية فتحتها النهاردة

سعاد- بجد الف مبروك يا حبيبتي، باركيلها، وعقبالك يارب

مريم- حاضر ياماما

.....

خالد قاعد في اوضته بيكلم نفسه* وحشتيني يامريم. طب
اكلمك او اشوفك ازاي دلوقتي؟ *

سحر- خالد

خالد- اي ياماما

وردة- ازيك ياكريمة

كريمة- ازيك ياحببتي، نورتونا والله مكانش له لزوم كل دا

وردة- لا طبعا او مال اي احنا عندنا كام اسماء

كريمة- مش فاهمة؟

وردة- احنا جايين نطلب ايد اسماء لابني يوسف

كريمة- دا يوم الهنا ، يوم المنى انتي متعرفيش يوسف دا انا

بعزه ازاي، يااسمااااااااااااا

اسماء تخرج من اوضتها – ايوة ياماما، معلش ياماما وردة و
الله كنت بلبس الخمار، ازيك يا يوسف

وردة- ازيك يا عروسة

كريمة- لولولولولولولولولولولولي

اسماء- انا مش فاهمة حاجة

يوسف- احنا جايين نطلب ايدك يا اسماء

اسماء- تطلبو ايدي انا؟؟؟؟ لهين؟؟؟

كريمة- ليوسف طبعا ههههههههه يوه جاتك اي، مكسوفة اصلها

اسماء اندهشت من الخبر وكانت فرحانة جدا بس مبينتش

واكتفت ب ابتساماة بسيطة

.....

رن تليفون خالد واول مشاف الرقم مصدقش نفسه

خالد- الو

مريم- ايوة يا خالد

خالد عمل نفسه لسة صاحي من النوم- ايوة يا مريم

مريم- اي دا انا صحيتك من النوم ولا اي؟؟

خالد- لا خالص انا معاكي

مريم- خلاص لما تفوق هكلمك

خالد عدل صوته بسرعة- لا خدي هنا انا فايق والله

مريم- انت رنيت عليا امبارح صح؟

خالد- اه كانت امي عاوزه مامتك ، لانها حاولت تتصل بيها

مردتش

مريم- تمام اما اروح هقولها

خالد- ليه انتي فين؟

مريم- انا مع ندي وخطيبها

خالد- ومقولتليش ليه؟ اقصد فينكم كدا

مريم- علي كوبري قصر النيل، الجو جميل جدا

خالد- يااااااه سبحان الله دنا كنت لسة هلبس واروحه

مريم- بجد، طب متيجي

ندي- بتكلمي مين يا مريم؟؟؟

مريم- دا خالد

خالد- طب هقفل انا عشان متأخرش عليكم، سلام

.....

كريمة- راحة فين يا اسماء؟

اسماء- هنزل ليوسف الشاي

كريمة- خدي حطة الكيكة دي معاكي جنب الشاي

اسماء- حاضر

.....

اسماء- الشاي

يوسف- اتفضلي

اسماء- الصراحة انا مش نازلة عشان الشاي وبس

يوسف-مش فاهم

اسماء- عاوز تتقدملي ليه يا يوسف؟

يوسف-ها

اسماء- انا مش هوافق يا يوسف عليك انا اه عارفة انك اول
مرة تسمع الكلام دا مني انا بحبك بس عمري مهوافق عليك
عشان بس ملحقتش حبك ومكملش ومتلاقيش غيري ف....

قاطعها يوسف- انتي فاهمة غلط

اسماء- لا انا عارفة كل حاجة

يوسف- يابنتي اسمعيني

اسماء- انا عارفة موضوع مريم يا يوسف

يوسف سكت

اسماء- انا بعذر بس انا كنت بنشر الغسيل وقتها وصوتك
انت ومحمود كان مسموع وعرفت كل حاجة، وعرفت كمان
انك مش بتحبني وعاوزها جوازة والسلام عشان صاحبك
بس لعب في دماغك وقالك اني بحبك ومبيننش هو طلع
ذكي وناصح بس انت مقدرتش تاخد بالك ومش بعيد كمان
عشان تفرح مامتك بس للاسف انا مش هوافق بكدة انا
اهون عليا ابقى كدة ولا اني ابقى معاك وحب من طرف
واحد هو اه انت جيت واتقدمت والمفروض افرح بس مش
هقبل اكون خانة ومتقلقش عليا دا من طرف واحد من
ناحيتي انا، يعني انا هقدر اتحمل منا متعودة من زمان اوي
علي كدا.

.....

الفصل الثالث عشر

خالد- ازيكم عاملين اي؟

ندي- ازيك ياخالد عامل اي؟ اعرفك خطيبي طارق، ودا
ياطارق خالد جار مريم وزميلها في الجامعة ونعرفه من
بدري

طارق- ازيك ياخالد عامل اي؟

خالد- الحمد لله، الف مبروك والله مكنتش اعرف انكم قريرتم
الفاحة اعذروني اني مجيتش

طارق- مهى كانت على الضيق، ان شاء الله انت معزوم فى
الخطوبة

خالد- ان شاء الله طبعاً هاجى

مريم- بقولكم اى متيجو نتصور كلنا

ندي- فكرة جميلة يلا

طارق- طب اظن بقى يا مريم احنا مرضيناش نسيبك لو حدك
عشان كنت عاوز اقول لندي كلمتين بس رومانسييتين
ودلوقتى معاكى خالد

مريم- ههههههههههه عادي والله كنت قولت وانا كنت هتعلم

خالد على سبيل الهزار- عادي انا ممكن اعلمك برضه

الكل ضحك

خالد- لايقين على بعض

مريم- ربنا يسعدهم

مريم وخالد واقفين ساكتين، مريم بتأمل النيل من فوق
الكوبرى وخالد بيتأمل مريم من على الكوبرى

خالد- وحشتيني

مريم تبص على خالد وهى مكسوفة ومتوترة ومندهشة.

خالد يكمل كلامه يااااااه وحشتيني يا نفسى اوى

طارق- يااااه علي كلمة حبيبي

مريم- اهلا اهلا كل دول كلمتين

طارق-هههه شاويش مريم حضرتك انا لسة مخلصتش

ندي-هههههههههههه

طارق- اومال انا سايبك تعمل اي ياخالد

خالد-هههههههههههه طلبت تغلس عليكم

طارق- طب ان شاء الله بكرة انا بقي اللي هغلس عليك

.....

خالد في اوضته بيكلم نفسه* كان نفسي تعرفي ان كلمة
وحشتيني دي ليكي يامريم، انا مش عارف انتي عملتيلي اي
ومش عارف انا ليه لحد دلوقتي مقولتهاش؟؟؟*

.....

مريم في اوضتها بتكلم نفسها* ازاي بيقول لنفسه وحشتيني
بس دا قالها بطريقة خليتني انا قشعرت واتوترت وافكرتها
ليا، صح انا عاوزة اشوف ولاء واعرف منها كانت تقصد اي بـ
الكلام اللي قالته لما كنا في الجامعة*

رسالة علي الواتس من خالد

-ابعتي الصور اللي اتصورناها يامريم

.....

نزلت مريم الجامعة واتصلت بولاء علشان تشوفها

ولاء- نعم رني تي عليا ليه؟

مريم- مالك بتتكلمي كدا ليه؟

ولاء- مش كفاية خطفتيه مني!

مريم- خطفت مين؟

ولاء- ايوة يابت ادخلي عليا بالكلام دا واعملي فيها

متعرفيش حاجة وهو قالي اصلا علي كل حاجة

مريم- قصدك خالد؟

ولاء- اه خالد ياختي وقالي انكم بتحبوا بعض وھتتخطبو

قريب وعموما متعزمنيش عشان مش هاجي وربنا يهني

سعيد بسعيدة انا ماشية.

.....

خالد قاعد مع احمد في الكافيتيريا

احمد- اي يسطا واحشني والله

خالد- والله وانت كمان، اي اخبار الحب معاك

احمد- هوائي

خالد- هههههههههه كل حاجة بقيت بالهوا دلوقتي، الله

يخربيته انت بوظ الدنيا

احمد- عندك حق والله بقيت حابب ابعده عن الناس الي

حواليا واروحه ودا غلط مهو اصله مفيش حد فاهمني

خالد- ياسطا وانا روحت فين

احمد- مش قصدي انت ياخالودة والله انا بتكلم في العموم

خالد- بس دا مش حل يا ابو حميد، عارف انا اه عندي فيس
وواتس وتويتر وانستجرام وكله بس اي مش بفتح اصلا
ممکن نص ساعة في اليوم اشوف الاخبار واقفل مثلا عاوز
اكلم فولان ارن عليه اروحله كدا لكن افضل اراسله والكلام
دا ، بالعكس دا كدة هيعمل حاجز بيني وبينه

احمد- ودلوقتي الناس باقيت تلقح علي الناس في البوستات
ويستهزؤ ويتريقو علي بعض وشير وحاجات خرا علي
دماغهم

خالد- انت اللي بتقول اهو بنفسك

احمد- يا بني والله عارف كل دا، ربنا يتوب علينا منه ويخلينا
نستمتع بحياتنا بقي شوية

خالد- ابدأ بنفسك انت وتعالى علي نفسك وبطل واعمل اي
حاجة تاني وافتح ياسيدي وشوف اخبار بس مش كثير ،
هيفرق معاك جدا والله يا ابو حميد

احمد- تصدق لاعمل كدة وهخرج واروح اشوف قرايبنا
وصحابي واتعرف علي ناس وكدا كدا الاجازة قربت
وهشتغل واتواصل معاهم بشكل مباشر وهغير كل دا

خالد- عاش يا صاحبي

احمد- تليفونك دا اللي بيهز

خالد- اه .استني ارد

-الو ايوة يا مريم.....اي.....طب

اجيلك فين؟..... تمام خمس دقائق وابقى عندك.

خالد- هطير انا هروح اشوف مريم

احمد- ماشي ابقى كلمني بالليل

.....

مريم-خالد انت قولت لولاء انا بنحب بعض وهنتخطب

خالد سكت

مريم- وقولتلي وقتها دي عبيطة في دماغها، ليه كدبت

ياخالد

خالد لسة ساكت

مريم- وكمان تقولي خطفتيه وتكلمني ب اسلوب وحش وكلا

م ميتقاليش اصلا، رد انت ساكت ليه؟

خالد- انا مكدبتش في حاجة

مريم-اي؟ مش فاهمة

خالد- يعني كل حرف قولتهولها كنت قاصده

مريم سكتت وسابته ومشيت خالد راح وراها ومسك ايدها

عشان يوقفها

خالد- مريم انا فعلا بحبك

مريم-.....

خالد- انتي اي يضايقك في كدا؟ اي معصبك اوي؟ انا

ومكدبتش واذاكان علي الطريقة اللي كلمتك بيها ولاء ، انا

هربيها لك، فين المشكلة بقي؟

مريم-انت عاوزني اخون ثقة اهلي تاني؟؟؟

خالد- انتي لسة بتحبي يوسف؟

مريم سابتته ومشيت

خالد بيكلم نفسه* انا اي الغباء بتاعي دا مالو موضوع عدا عليه وقت وهي بنفسها قالتلي، ازاي اسألها سؤال زي دا؟؟؟ يااااه بقي جيت اكحلها عميتها خالص انا مكنتش هعترف لها بحبي بالطريقة دي ، منها لله ولاء خربت الدنيا كلها*

.....

يوسف- امي انا عاوز رقم اسماء

وردة- خد يا حبيبي ، ربنا يسعدكم يارب

رن يوسف علي اسماء

-الو.....انا يوسف يا اسماء..... الحمد لله.....فاضية النهاردة عشان كنت عايزك في موضوع..... تمام ماشي علي الساعة 7 كدة.....تمام سلام

جت اسماء علي الميعاد

يوسف- مواعيدك مضبوطة ماشاء الله

اسماء- علي فكرة انا قايلة لماما اني جاية

يوسف- اه تمام، تشربي اي

اسماء- ولا اي حاجة

يوسف- لا لازم تشربي

اسماء- خلاص اي حاجة

يوسف- لو سمحت اتنين ليمون

اسماء- انت عرفت مين اني بحب الليمون

يوسف- انا كمان بحبه

اسماء- اي الموضوع بقي؟

يوسف- انا عارف ان عندك حق في كل اللي قولتية بس دا
مش معناته اني رجعت ف كلامي وانا لسة علي موقف و...

قاطعته اسماء- يوسف انت ليه مش عاوز تفهم، انا قولتلك
كل كلامي ليه بتعيده تاني

يوسف- يا اسماء انا منكرش اه اني شايفك اختي بس بحبك
فيه جزء مني بيحبك زي.....

اسماء- زي اختك اه

يوسف- دلوقتي انا بقيت ابوصلك بطريقة تاني، طب اديني
فرصة

اسماء- فرصة اي يا يوسف بعد منتخطب ويحصل ولقيت
نفسك محبتنيش هيبقي اي العمل وقتها، يوسف بعد اذنك
همشي

يوسف- طب استني انا هقولك احنا نصلي صلاة استخارة اي
رايك

اسماء- انا فعلا كنت هعمل كدة النهاردة

يوسف- خلاص يبقي اتفقنا

.....

خالد في جامعته قاعد في المكان اللي بيقعد فيه هو ومريم
وبيرن عليها وهي مش بتروود عليه* ليه مجيتيش النهاردة
يامريم؟؟، اكيد عشاني اهو كنت هصلح الموضوع شوية لو
كنت شوفتك واهدي انا مش عارف اي حصلي؟، انا هرن علي
ولاء*

- الو..... انتي فين..... طب خليك عندك..... سلام

ولاء- اي راجعلي يعني هي زحلقتك ولا اي؟

خالد اتنرفز اكر عليها وزعقلها

-انتي هبلة ولا عبيطة؟، بقولك اي فكك من الكلام دا

دلوقتي انتي ازاي تكلمي مريم باسلوب وحش

ولاء- وانت مالك اكلها زي منا عاوزه

خالد مسك دراع ولاء ولوا هولها- بقولك اي اعدلي في الك

لام كدا عشان اللي بتتكلمي عليها دي هتبقي مراتي

ولاء- اه ايدي، انا قصدي .. اصل... مقصدش

خالد- تروحي تعتذريها

ولاء- اي اعتذر، مش هعتذر لحد انا

خالد ضغط علي دراعها جامد

ولاء- خلاص خلاص هعتذرها

خالد سابها ومشى

ولاء في سرها- * تتشك في ايدك ياخالد، وجعتلي دراعي *

.....

مروة- علي فكرة تليفونك مبطلش رن من الصبح

مريم- مكنتش سامعاه

مروة- دنتي حتي عاملاه عام

مريم- مش مهم بقي

مروة- صح غيري هدومك عشان ابلة سحر عازمانا عندها
علي الغدا

مريم- اي؟ لا انا مش هطلع

مروة- هاها كلنا هنطلع ياختي نفر نفر

مريم- اي دي حرية شخصية انا مش عاوزة اطلع

تدخل ريم عليهم- ازيكم يابنات عاملين اي ، سألت ابلة
سعاد قالتلي انكم في الاوضة

مروة- ازيك ياريم عاملة اي؟

ريم - الحمدلله، بقولكم انا استأذنت من ابلة سعاد تطلعو
تقعدو معايا فوق وشوية وهي هتطلع ورانا

مروة- مريم مش عاوزة تطلع

ريم- اي لا ، كنت هزعل والله

مريم- اصل انا كنت راحة لندي

ريم- طب حتي اتغدي وروحيلها

مريم- حاضر مقدرش ازعلك

الفصل الرابع عشر

خالد رجع البيت

خالد- اي الريحه الحلوة دي انتي عازمة حد عندنا ولا اي؟

سحر- اه ، عازمة طنطك سعاد

خالد فرح- اي دا بجد؟ ، طب انتي عازماها هي بس

سحر- لا هي ومريم ومروة

خالد- يسلام وربنا ياست الكل انتي تستاهلي بوسة، انا

هدخل اخد دش واغير واجي

سحر- هههههههههه يخربيت جنانك

.....

محمود- بس معاها حق والله يا يوسف

يوسف- انا بقيت متوتر، انا بقيت مخنوق علي طول مش

عارف ازاي هبدا علاقة وانا اصلا منهيتمش العلاقة الثانية

محمود-اوعي يا يوسف تعمل كدا

يوسف- كدا اللي هو ازاي؟

محمود- انك تبدا علاقة وانت لسة منهيتمش العلاقة

القديمة

يوسف- مش عارف انهياها

محمود- انت ليه مستسلم كدا؟؟؟ دي مش علاقة يابني
اللي كنت فيها وملهاش اسم اصلا العلاقة دي ولا صحاب
ولا اي حاجة

يوسف- طب انا مش هرتاح غير اما اشوفها

محمود- وانت تشوفها ليه

يوسف-عشان اقول اه دي مش علاقة، انا كدة حاسس اني
بحب سراب

محمود-سبحان الله اديك قولتها اهو

يوسف-انت ليه مش فاهمني

محمود- انت اللي مش فاهمني، دا وهم ، حلم، انت ليه
عامل فيها المجروح ، ليه بتنجرح علي حاجة مش
موجودة من اساسه، وانت فاكر لما تشوفها كدا خلاص
بقي ويبقي الموضوع اتحل لا دي هتبقي بداية الحقيقة
يابابا

يوسف ضرب ب ايده علي التربيذه من الخنقة ومخدش ب
اله كسر الكوباية واتعور

محمود- اي دا يابني ليه بتعمل في نفسك كدا؟

اسماء- السلام عليكم ، خلصتو الكوبايات، اي دا هو دا دم

يوسف- لا لا مفيش حاجة

محمود- اه دم

اسماء- يالهوي استني طيب خلي بالك عليه يامحمود
هطلع اجيب الشاش والقطن

يوسف- لا يابنتي متتعبيش نفسك

محمود- دي طلعت! والله يابني نفسي الاقي حد يحبني
زيها كدا، شوفت خافت عليك ازاي؟

اسماء- وسع كدة معلش يامحمود

محمود- اتفضلي

اسماء- هات ايدك ، ازاي كدة حصل واتعورت

يوسف ساكت ومركز مع اسماء

محمود- انا همشي انا جالي مشوار

اسماء- متروود ساكت ليه

يوسف- اتخضيتي عليا؟

اسماء اتكسفت ورجعت جمدت نفسها- لا انا بس....

قاطعها يوسف- متكدببش وبصيلي انتي باعدة عينك ليه؟

اسماء- انا خلصت انا طالعة

قامت اسماء ومسكها يوسف من ايدها ووقفها

اسماء حست بلمسة ايده ليها وسكتت وبصتله بنظرة فيها
حنية وحب وشوق وعتاب

يوسف- ممكن تخليكي ومتسبينيش

اسماء- ابقني بصفتي اي؟

متخلصو الغدا وهبقي ارجع عشان تعرفي تقعدي
براحتك*

.....

سعاد- اومال خالد فين

سحر- قالي نزل صحابه كلموه

سعاد- كان قعد كل الاول بعد كدا نزل

سحر- قولتله والله

ريم- منتي عارفة بقي ياماما خالد

مروة- بس بسم الله ماشاء الله يا ابلة سحر اكلك زي
العسل

سحر- الف هنا يا حبيبتني

مريم قاعدة ساكتة علي الاكل وعرفت ان خالد نزل
عشانها وانه زعل واضايق من طريقة كلامها

.....

اسماء في نفسها* دا الحلم الثاني يجيلي ف نفس اليوم
وتبقي نتيجته كدة، دا بياكدلي ان يوسف هو نصيبي بس
انا مش هوافق عليه غير لما احس انه بيحبني*

كريمة- افتحي الباب يا اسماء

اسماء- حاضر

كريمة- اتفضل يا يوسف

يوسف- ازيكم عاملين اي

كريمة- الحمد لله

اسماء في نفسها* دا اي جابه دلوقتي وياتري فيه اي؟
معقولة ممكن يرجع في كلامه*

يوسف- انا بس كنت حابب ياماما كريمة تخليها كتب
كتاب مش خطوبة بعد مجيب امي ونقرا الفاتحة ان شاء
الله

اسماء برقت ليوسف ومذهولة

كريمة-وماله يابني احنا عاوزين نفرح بيكم

يوسف- وكنت عاوز اعرف رد اسماء قبل م اتصل ب امي
وتيجي

اسماء في نفسها* يابن ال يايوسف يعني انت عارف ردي
وعاوز تحوطني قدام الامر الواقع*

كريمة- اي يا اسماء اي رأيك يابنتي

يوسف ببص لاسماء وهو قاصد يحوطها في الموقف دا

اسماء- ها!

كريمة- متكسفيش يابنتي

يوسف- متكسفيش يا اسماء

اسماء- انا لسة بدري عليا

يوسف استغرب من ردها ورد بسرعة-منا هستناكي يا حبي

.....

اسماء قاعدة في اوضتها بتفتكر كل اللحظات اللي مرت بيها
مع يوسف من اول يوم ولحد دلوقتي

تليفونها يرن

اسماء- ايوة

يوسف- سومة حبيبتني عيب تكلمي عريسك كدة

اسماء- عاوز اي

يوسف- عارف اني وحشتك عشان كدة رنيت

اسماء ضحكت في سرها- ممكن بقي تفهمني اللي انت عملته
دا؟

يوسف- انا صليت الاستخارة جالي الحلم وكان جميل اوي
قولت مبيدهاش وخير البر عاجله

اسماء- يوسف متهزرش انا مش هوافق

يوسف- وانا متمسك بيكي

اسماء فرحت من كلمته وانه متمسك بيها والكلمة دي من
معاني الحب بس برضه هي نفسها تسمعها منه وتحسها

يوسف- اي سكتي ليه؟

اسماء- انا هقفل

يوسف- تمام

.....

محمود- طب وھتعمل اي؟

يوسف-مش عارف بس ربك يعدلھا

.....

اسماء* مھو انا لازم اعمل اي حاجة واشوف هو بيحبني ولا لاء؟*

كريمة- اسماء

اسماء- نعم ياما

كريمة- احدفي لابن خالتك كريم المفتاح بتاع باب الحديد
عشان طالع

اسماء*لقيتها انا هشوف بقي هيغير عليا ولا لاء؟*

دخلت اسماء البلكونة وشافت يوسف قاعد تحت في الورشة
وبصت علي كريم وحدفتله المفتاح وقالتله- خد المفتاح اهو
ياكيمو، ودخلت

يوسف شاف اللي حصل وقال لنفسه* هو مين كيمو دا؟؟؟ ،
انا لازم اطلع اشوف مين دا؟ لا ميصحش، بس انا هبقي
جوزھا، لا برضه لسة هبقي، لا منا زي ابنھا، يووووه بقي انا
هطلع بحجة ادخل الحمام وخلص*

اسماء- اتفضل ياكريم

كريم- ازيك يا اسماء، ازيك ياخالتي

كريمة- الحمدلله يا حبيبي، شوفي مين بيرن الجرس يا اسماء

اسماء- اي دا يوسف؟

كريمة- اتفضل يا يوسف

يوسف- معلىش بس كنت عاوز ادخل الحمام، السلام عليكم
كريمة- وعليكم ، دا كريم بن اختي، ودا يوسف خطيب اسماء
، اتفضل

كريم- اهلا وسهلا

يوسف- اسماء ممكن الفوطة

اسماء- حاضر، خد اهي

يوسف- اي حوار خد المفتاح اهو ياكيمو

اسماء لاحظت في عينيه الغيرة وهي مش مصدقة نفسها

يوسف- متروودي؟

اسماء-بن خلتي وبدلعه

يوسف- لا والله انتي شايفاه عيل صغير دا كبير ياماما

اسماء- وانت يخلصك في اي ، انت اصلا مش بتحبني

يوسف رمالها الفوطة وخرج- هستأذن انا ياماما كريمة

احسن ورايا شغل كثير

.....

الفصل الخامس عشر

مريم- الف مبروك يانودي ياقلبي، عيشت وشوفتك اجمل
عروسة يانور عيني

ندي- حبيبتي والله يامريم

مريم- صح ماما بتباركك وكلهم بيباركوك الحقيقة
وبيعتذرو انهم مجوش

ندي- الله يبارك فيهم وافرح بيكي

خالد- لا متشكر

مريم-هنتصور كلنا خلص

شوية واشتغلت الاغاني السلو وكل واحد اخذ حبيبتة
ورقص معاها ،راح ادم قريب ندي لتربيذة مريم وخالد
وطلب يرقص مع مريم

ادم- اي يامريم متيجي نرقص

خالد بص لمريم

مريم-اي؟ انا اصلا مبعرفش ارقص

ادم-تعالى بس يابنتي ، انا هعلمك دنتي حنة فستناك حلو
اوي وطالعة زي القمر انتي متعرفيش ولا اي؟

خالد مقدرش يكتم جواه نار الغيرة وبانت في عينيه وكان
عاوز يقوم يضرب ادم دا!

مريم-ربنا يخليك، اصل....

قاطعها خالد ومسكها من ايدها وقومها وقالها قدام ادم- يلا
ياحبيبتى نرقص وبص لأدم وقالو- علي فكرة هي مخطوبة
ومبترقصش مع حد غير خاطبها وابتسمله ابتسامة صفرا
وخدها وراح علي مكان الرقص

مريم مش مستوعبة اللي حصل

خالد مسك ايد مريم وبدأو يرقصو

مريم بصوت واطي - انت اي اللي انت عملته دا

خالد وهو متنرفز-عاوزاني اسمع واشوف اللي حصل واسكت

ندي- بص يطارق، خالد ومريم بيرقصو

طارق- مش قولتك

مريم- مهما كان واي اللي قولته دا وخطيبتي وبتاع
وحبيبتي

خالد-عارفة لو مسكتيش هعمل اي؟

مريم-خلاص هرقص وانا ساكتة

خلصت الاغنية

طارق وندي قعدو مكانهم ومريم واقفة جنبهم ، خالد يتقدم
وياخد المايك

.....

اسماء نزلت ليوسف- يوسف!!!

يوسف-نعم، حطي الشاي عندك

اسماء-انت لسة زعلان؟

يوسف-زعلان من اي؟

اسماء- اصل.....

يوسف- ايوة كملني

اسماء- انا الصراحة كنت قاصدة عشان اشوفك بتغير ولا لاء،
وانت غيرت يعني انت بتحبني يايوسف

يوسف- يعني انتي قاصدة؟

اسماء- اه الصراحة واطمنت علي نفسي خلاص

رن تليفون يوسف- الو ايوة يا حودة
محمود- انا جيبت الورد اللي قولتلي عليه والخاتم الفضة
اللي انت اشتريته وكارت معايدة وكل حاجة تمام
يوسف- حلو اوي كدة بس خلي الواد اللي هيسلمها الورد
يجيبه ع الساعة 12 بالظبط
محمود- انا ماكد عليه متقلقش

.....

الفصل السادس عشر

خالد مسك المايك- اولاً احب ابارك للعروسين واقول لكل
الموجودين انهم منورينا
مريم في سرها* دا بيعمل اي المجنون دا؟؟؟*
اتقدم خالد بالمايك وراح لمريم والكل متابعه

مريم بتبوصله وبتقوله- انت بتعمل اي؟؟؟
خالد مركز مع مريم ومتأملها ومبتسملها
مريم- انت يابني مش بتتكلم ليه؟؟ الناس عمالة تبص عليك
خالد بعد المايك عنه وقالها- مريم انتي بتحبييني صح؟
مريم برقتله - انت بتقول اي يخربيتك بطل جنان!!!
خالد- طب تمام انا هواريكي الجنان علي حق ، ورفع المايك
علي بوقه ولسة هيتكلم
مريم- خالد استني بس بحبك اه والله بحبك خلاص بالله
عليك بلاش فضايح
خالد- يعني مش زعلانة مني؟
مريم- لا لا خالص مش زعلانة
خالد ابتسم لمريم وبص للناس وقالهم- عقبال عندكم يارب

.....

اسماء قاعدة في اوضتها سمعت جرس الباب بيرن* اي دا؟؟؟
مين بيرن الساعة دي؟؟؟*
اسماء- ايوة مين
-الهدية دي لحضرتك
اسماء- لا اكيد انت متلغبط في العنوان
-مش حضرتك استاذة اسماء؟
اسماء- ايوة انا

-يبقى الورد دا لحضرتك، بس ممكن تمضي هنا انك استلمتي الورد

اسماء مضت وخذت الورد وقفلت الباب ودخلت اوضتها* انا مش فاهمة حاجة؟؟؟، اي دا؟؟؟ دا خاتم!! اي الورقة دي*
(كل سنة وانتى طيبة يا حبيبتى)..... يوسف

اسماء- اي دا! دا يوسف! دا فاكر عيد ميلادي! وبيقولي كل سنة وانتى طيبة يا حبيبتى! اي دا قال حبيبتى! هيبيبيبه، لا انا لازم اكلمه*

رن تليفون اسماء والمكالمة كانت من يوسف
اسماء- الو

يوسف- كل سنة وانتى طيبة

اسماء- وانت طيب يارب، بجد فرحت ب الهدية اوي
يوسف- هدية؟ هدية اي؟؟

اسماء- استعبط بقي يا يوسف استعبط

يوسف ضحك في سره- هدية اي يا بنتى؟

اسماء- قول وربنا كدة ان مش انت اللي جايها، دا حتي مكتوب عليها اسمك

يوسف- ابن الهبله قولته ميكتبش اسامي كتب اسمي

اسماء- اهو اتكشفت

يوسف- ههههههههههههههههههه

اسماء- يوسف انت بتعمل كل دا ليه عشاني؟

يوسف- عشان بحبك يا اسماء، اه حبيتك، حبيت خوفك عليا
ووجودك جنبي واهتمامك بيا ، بقيت عاوز اشوفك كل شوية
، ومن بعد الاستخارة وانا اتطمنت اوي وقلبي ارتاح،وعشان
اريحك انتي كمان خلاص انا مبقيتش افكر في مريم انا
اقتنعت بكل الكلام اللي قاله محمود، وانتي اول حب ليا يا
اسماء، انا مش هعترف باللي عدا دا خالص ونسيته، اسماء
انتني معايا؟؟؟

اسماء-انا فرحانة يا يوسف، فرحانة اوي، عارف انا كمان الا
ستخارة عندي اثبتتلي ان انت نصيبي وحلمت كذا مرة
بنفس الحلم، وفرحانة اكر، عارف ليه؟؟؟

يوسف-ليه؟

اسماء وهي بتدمع- فرحانة عشان استنيت كثير اوي اليوم دا
، كنت خلاص شبه ياست من كل حاجة ومكنتش هفكر في
جواز خالص وانت قدام عيني ومش شايفة غيرك ولما
عرفت انك بتحب غيري انا كنت خلاص مش طايقة نفسي
بس صبرت وبقيت ادعي ربنا يسعدك وان مش هبني
سعادتي علي تعاستك واختارتك انت اللي تفرح لاني مش
بحب اشوفك زعلان انا.....

قاطع يوسف كلام اسماء- ششششششش بحبك، ومتعيطيش
بقي، دموعك غالية عندي اوي

اسماء وهي بتمسح دموعها- حاااضر

.....

ريم-قوم ياخالد هتتأخر على الجامعة

خالد-شوية بس وهقوم

ريم- الساعة 10 بقي ع فكرة

خالد قام من نومه بسرعة- اي دا بتتكلمي جد

وبص في الساعة لقاها 8 ريم خرجت تجري وهي بتضحك

خالد قام يجري وراها- يابنت ال؛ ماشي ماشي

ريم-هههههه الحقيني ياماما

خالد- اما اجيلك

ريم- ماما اللي قالتلي علي فكرة

سحر-هههههه تربيتي

خالد-ماشي ماشي؛ عاملين عصابة عليا

سحر- هو انا عندي كام خالد

خالد-حبيبتني ياست الكل وقرب منها وباس ايدها

.....

مريم في الجامعة خلصت محاضرتها الاولي وخرجت من

مدرجها سمعت حد بينادي عليها

- لو سمحتي

مريم - ايوة مين

- انا ادهم زميل هنا معاكي في الكلية

مريم- اهلا

ادهم- كنت بس حابب اسالك علي الجزء اللي شرحه
الدكتور لاني مفهمتش

مريم- تمام انا فاهماه كويس جدا

ادهم- طب نقعد في حطة تشرحولي ولا يضايقك

مريم- لا خالص

جه خالد وبص علي مريم ملقهاش موجوده بس شافها
قاعدة مع شاب لوحدهم وقرب عليهم

مريم- بص بقي يا ادهم وزى مشرح الدكتور الحتة دي كان
يقصد بيها....

قاطع خالد كلامهم- السلام عليكم

مريم- وعليكم

ادهم- وعليكم

مريم عشان عارفة غيرة خالد وانه ممكن يعمل اي حاجة؟
لحقت نفسها

مريم- تعالي ياخالد اقعد معنا ؛ دا ادهم زميل ليا هنا
ومكانش فاهم نقطة وكنت بفهمهاله

خالد- وانتي اشتغلتي دكتورة امتي؟

ادهم- هههههه خفيف اوي استاذ خالد ؛ هو انت تقربلها

اي؟

خالد- خاطبها

مريم باصيته بإندهاش من رده وانه واثق من كلامه
وطريقته وابتسمته

ادهم- طب انا ممكن استاذن انا والله لاني مكونتش اقصد انا
بس كنت حابب افهم

خالد- تعالي انا معاكم هنا في تالته وممكن افهمالك

مريم- دا علي كدة اقوم امشي انا بقي يادكتور خالد

خالد- ههههه لا اقعدي عشان تفهمي انتي كمان

.....

يوسف- ها يا امي احنا لحد دلوقتي مكلمين ماما كريمة
ومروحناش عملنا حاجة

وردة- انا مستنية بس نقبض الجمعية احنا الدور دا ان شاء
الله عشان ميبقاش ناقصك حاجة يا حبيبي

يوسف- ربنا يخليكي ليا ياست الكل؛ بس انا معايا والله

وردة- برضه عشان كل واحد بييجي بقيمته يا حبيبي

.....

ادهم-شكرا اوي يادكتور خالد؛ انا حاسس اني هقفل المادة
دي

مريم-مش للدرجادي يعني

خالد- اتفاظي بقي اني بعرف اشرح احسن منك
إدهم- هههههههههههه لا انتو الاتنين بتشرحو حلو؛ طب انا ج
الي تليفون استأذن انا؛ ان شاء الله اشوفكم تاني؛ سلام
خالد- سلام

مريم عاملة مقموصة- كدا ياخالد تكسفني قدام الولد
خالد- طب بزمتك مش بعرف اشرح اكثر منك
مريم- متنا عشان واخدها قبل كدا

خالد- اهو اديكي قولتي
مريم- طيب قوم بقي من هنا
خالد- انا رخم مبقومش
مريم ضحكت في سرها - بعد اذنك متضحكنيش
خالد- ماشي

مريم- وبعدين خد هنا صح
خالد- اي

مريم- اي بقي اللي عاملته في القاعة دا
خالد- كنت حابب اتأكد من حاجة واتأكدت
مريم- يسلام وبتقول للواد خطيبتي
خالد- يابت انتي اي يضايقك
مريم- ياواد انت ناقر ونقير معايا ليه

يوسف رن علي اسماء

يوسف- انا عارف ان كل دا انتي مستنية

اسماء- علي اي

يوسف- كتب كتابنا

أسماء -مهمم

يوسف- انا بجهز كل حاجة وبجهز اموري كلها علشانك

اسماء-انا مش مستعجلة اوي براحتك خالص يا يوسف؛ انا صابرة والله

يوسف- مينفعش برضه ؛ بس متقلقيش

اسماء- انا مش قلقانة خالص

.....

سعاد- نفسي افرح بمريم يامنصور

الحاج منصور- ان شاء الله ربنا هيبعثلها نصيبها

خالد رن جرس الباب

سعاد- مين

خالد-انا خالد ياماما سعاد

سعاد - اتفضل يا بني

.....

مريم كانت قافلة ايميلها من ساعت اللي حصل وفكرت

تفتحه النهاردة عشان عملو جروب الكلية وهي لازم تبقي
موجودة فيه؛ لاقت رسايل كتيرة ومن ضمنهم رسالة يوسف

- مريم طب انتي ليه عملتي كدا؟ انا كان حقي اغير؟ اه
ياست بغير عليكي؟ ليه بتنهي كل حاجة كدا وازاي بتقولي
انه مش حب؟ عارفة انا روحتك عند الجامعة اول يوم
دراسة واستنيت بس مشوفتكيش؛ كنت علي امل اشوفك
واعملك مفاجأة بس للاسف وبعدها لقيتك كلمتيني وقولتي
كل الكلام دا؛ انا معرفتش ارد عليه بس لاني كنت مصدوم
وعارف انك بتحبيني ومش ههون عليكي كمان.

.....

سحر- بجد ياخالد

خالد- اه والله ياماما؛

مش انا ياما قولتك ان شاء الله هلاقيها

سحر- فرحتك والله يابني؛ ربنا يسعدكم

خالد- ان شاء الله كمان بابا اما بيحي هفاتحه في الموضوع؛

بس محدش يقولها حاجة انا اكدت علي عم منصور وماما

سعاد

سحر- ربنا يسعدكم يارب يا حبيبي؛ والله فرحتني

خالد- يارب ديما اشوفك فرحانة ياست الكل

.....

وردة - يلا يا يوسف عشان نروح نتفق مع كريمة علي المهر و

القائمة

يوسف- بتتكلمي جد ولا بتهزري

وردة - او مال اي يلا؛ انت كدا كدا شقتك مخلصها؟

يوسف- اه كاملة من كل حاجة

وردة- ايوة فاكرة اخر مرة قولتلي كدا؛ لما كنت بتخلص فيها

عشان مريم

يوسف- مقولنا بلاش بقي السيرة دي يا امي

وردة- مقصودش والله يا حبيبي

.....

مريم بعد مقرأت الرسالة* اي دا؟؟؟ جه الجامعة؟ واستني؟

انا فاكرة اه اول يوم بس ساعتها انا وخالد مخرجناش من

الباب اللي هو واقف عنده؟ هو انا لو كنت شوفته كان اي

حصل؟ كنت هشوفه كدا عادي؟ كنت هعرفه اه! انا عارفة

شاكله من الصور اصلا. بس الرسالة دي من فترة كبيرة!*

نقاش بين مريم ونفسها

-انتي عاوزه اي يا مريم؟ انتي مش قولتلي مش حب وخالد

معاكي! ومينفعش تفكري فيه تاني خلاص!

- بس انا مش عاوزه حاجة؛ كنت هتطمئن عليه مش اكر

- وانتي فاكرة لما تطمني عليه يبقي خلاص كدا

-صح دا مش بعيد يكون نسيني اصلا!

-انتي كنتي ماشية كويس وحلو ليه بتفكري تاني؛ ليه

اتقدمتي خطوة وعاوزه ترجعي عشرة!

- لا مش قصدي بس الفضول هيموتني اعرف اخباره وهو
ومش منزل حاجة وصورة البروفايل بتاعته حزينه

- وانتي مالك دلوقتي بيه؛ مش خالد قالك ركزي في
مستقبلك وتشوفي الشخص اللي يستاهلك

- اه قالي كدا وانا سمعت كلامه وقفلت الفيس

- وانتي عارفة ان خالد اللي يستاهلك

- ايوة انا منكرش اني بحبه

- طب خلاص بقى ولو بتحبي يوسف فعلا مكونتيش عرفتني
تحبي خالد

-صح

- انتي حنيتي بس من رسالته

- الصراحة اه

- طب ارجعي بسرعة بقي عن كل دا وامسحي الرسالة
واعمله بلوك

- لا واعمله بلوك ليه

- ويفيدك ب اي انه يكون موجود؟

- انا متوترة مترددة اوي مش عارفة اعمل اي؟

-متروحي لخالد قوليله مش انتي بتحبي الصراحة ومش
بتحبي!

- اه طب ماشي هروح اقوله ؛ بس هو بيغير وممكن يزعل مني

- طب ماهو فارق معاكي زعله اهو

- معشان بحبه

- يابنتي منتي اهو عارفة انك بتحبيه ومينفعش تفكري في غيره

- انا هروح لخالد واقوله.

.....

وردة- السلام عليكم

كريمة -وعليكم يا حبيبيتي

وردة- احنا جينا اهو زي متفقنا

كريمة-نورتونا والله

وردة- ربنا يخليكي

كريمة-تشربو اي

وردة- ولا اي حاجة

كريمة- لا ميصحش؛ احنا بقينا اهل خلاص

.....

رن تليفون مريم- اي ياروحي

ندي- اي ياواطية بقي كدا متسألش من بعد الخطوبة

مريم- والله يا حبي غصب عني

ندي- طب طارق بيسلم عليكي وبيقولك تعالي وهاتي خالد
معاكي

مريم - اجي فين؟

ندي- معرفش طارق قالي البسي وكلميهم وعاملها مفاجأة

مريم- طب هقوله بس افرضي مجاش؟

ندي- لا هيبجي

مريم- تمام؛ سلام

مريم رنت علي خالد

- ايوة يا خالد..... انت فين؟..... طب فاضي تخرج معانا انا
وندي وطارق؟..... معرفش فين والله..... خلاص
تمام..... هلبس واكلمك.... سلام

.....

اسماء- اي يايوسف مش مستعجلين اوي كدة علي كتب
الكتاب

يوسف- لا طبعا دا الخميس الجاي والنهاردة التلات يعني
مش مستعجلين خالص

اسماء- هههههههه بتهزر والله

يوسف مسك ايد اسماء- انا مش عاجز اضيئك من ايدي، انا
مصدقت لقيتك، فعلا انا مكنتش حاسس ولا شايف وانتي
قدام عيني وانا كل دا مش واخذ بالي

اسماء تبص ليوست وهى بتدمع
يوسف- لا لا لا اوعى تدمعى، دموعك دي غالية عندي
اسماء- انا مش مصدقة اللي بيحصل
يوسف- مش انتى صبرتي كل دا عشاني!
اسماء- ايوة ومكنتش متخيلة انه هيجصل مع انى كنت
بدعى كثير

يوسف- واهو دعوتك اتحققت
اسماء- انا بحبك اوى يا يوسف
يوسف- وانا كمان ياقلب يوسف

.....

مريم- اى ياندى ! طارق اتأخر على فكرة
ندى- خالد برضه لسة مجاش
مريم- لا هو خمس دقائق وهىكون هنا
ندى- صح مالك ليه حساكي فيكى حاجة!

خالد- السلام عليكم

ندى- اهلا اهلا يا بيه

مريم- ازيك يا خالد

خالد- الحمد لله اى فىن استاذ طارق ومفاجاة اى!

ندى- والله معارفة يا بنى، شكله اتجنن ولا اى؟

خالد- يعني مش مهم بقي احنا الشباب فاهمين
خالد ببص في المراية مركز مع مريم دماغها متشتتة ومش
مركزة معاهم

.....

محمود- بقي فيه عريس كتب كتابه بعد يومين وقاعد في
الورشة

يوسف- ههههه تعالي اقعد

محمود- اومال يا بني لازم تنزل وتشتري حاجات

يوسف- عندي كل حاجة

محمود- اومال قاعد لوحدك بتعمل اي؟

يوسف- بفكر في الحياة الجديدة اللي هدخل عليها دي

محمود- ايوة بقي واخيرا هشوفك عريس

يوسف- عقبالك يارب يا حودة

محمود- يارب يا ابو يوسف

يوسف- ابو يوسف مين يا ض؟

محمود- اومال انتم اتفقتو هتسمو العيال اي؟

يوسف- هههههه لا لسة

محمود- طب بقولك جالي تليفون انا

يوسف- يخربيت تليفوناتك يا شيخ، مبنلحقش نقعد

محمود- هجيك تاني بقي، يلا سلام

.....

الفصل الثامن عشر

مريم- اي دا ياخالد دي العربية عطلت؟؟؟

خالد- يظهر كدة

طارق- تصدق نسيت ازود بنزين

خالد- علي فكرة ممكن يكون العطل حاجة تاني!

ندي- طب والعمل ياجدعان

مريم- لا بأمانة حلوة الخروجة

طارق- اهدو بس انا هنزل واشوف اي مكانيكي قريب هنا

وانت خليك معاهم ياخالد

خالد- تمام متتأخرش

ندي- يابني انت تعرف حد هنا

طارق- يابنتي دا بيتي القديم واصحابي كلهم هنا

ندي- طب خلي بالك علي نفسك

طارق- متقلقيش

.....

كريمة- عارفة يا اسماء انا فرحانة اوي يا حبيبتي اني خلاص

هشوفك عروسة

اسماء- ربنا يفرحك ديما يماما

كريمة- عارفة! يوسف كويس وهيخلي باله منك

اسماء- يارب يماما

كريمة-ربنا يسعدكم

.....

طارق- ابو الصحاب

يوسف-حبيبي

طارق-ليك واحشة والله

يوسف- انت كمان اي يابني مبتجيش ليه

طارق- انت عارف بقي الجامعة والشغل

يوسف- الحمدلله خدتها من قاصرها وقلت افتح ورشة ابويا

طارق- الله يرحمه، صح ابلة وردة عاملة اي؟

يوسف- الحمدلله كويسة

رن تليفون طارق

يوسف- تليفونك دا؟

طارق- اه اتأخرت عليهم، طب تعالي طب معايا تشوف
العربية

يوسف- تمام

اسماء تنزل- يوسف الشاي

يوسف- احنا حكينا وخلصنا وانتي لسة جايباه، كسفتيني

طارق-هههه لا ياعم متقولهاش كدة، ازيك يا انسة اسماء

اسماء-الحمدلله

يوسف- دا طارق صاحبي يا اسماء

اسماء- اهلا ازيك

طارق- الحمدلله

اسماء- بس انا اول مرة اسمع عنه

يوسف- هبقي احكيلك بعدين، بس اطلعي انتي دلوقتي

عشان ورايا شغل

اسماء- تمام

طارق- ربنا يسعدكم

يوسف- يارب ياطاروق

.....

ندي- لا طارق اتأخر ومردش عليك كمان علي التليفون لا انا
قلقت بجد

مريم- انتي مافورة ليه مش قالك منطقتي!

خالد-اهو شكله هو دا اللي جاي

ندي- بجد فين

خالد- ومعاه الميكانيكي كمان

مريم- اهو ياستي اطمنتي

ندي- كل دا ياتارق؟

طارق- معلش يا حبيبتي اصل....

قاطعه خالد-المهم بس انك جيبتة

طارق- اه جيبتة ودا صاحبي كمان

خالد- طب عظيم اوي

مريم- هنفضل كدة جوا وقافلين الشبابيك انا اتحريرت

طارق- طب انزلو اقفو شوية

يوسف- بص انا هفتح كابوت العربية واشوفلك العطل فين

ندي ومريم نزلو من العربية

ندي- صاحبك بجد ياتارق

طارق- اه تعالو اعرفكم عليه

خالد واقف مع يوسف وبيبص عليه بيعمل اي وطارق قرب

لعند يوسف ومعاه ندي ومريم

طارق- ندي اهي يايوسف اللي حاكيتلك عنها

يوسف شاف مريم حس بنفضة بقلبه وركز اوي في شكلها

طارق يتابع كلامه - ودي مريم صاحبت ندي ودا خالد

مريم كانت واقفة ورا ندي ولسة هتسلم عليه بصت وهي

مندهشة من اللي شايفاه ازاي كدا؟؟؟؟؟؟

خالد اخذ باله من اللي حصل وبص علي عيون مريم وهي

بتبص ليوسف وهو كمان

خالد- اي مش هنخلص؟؟؟

يوسف- هو اصل العربية هتاخذ وقت بس انتم تقدر و تيجو

تقعو عندنا شوية عقبال متخلص وكمان امي بتسال عليك

ياطارق

طارق- مش هنلحق كدا الخروج هتضيع علينا

يوسف- ياعم اعتبرو نفسكم خرجتو عندنا

مريم مركزة مع يوسف وكلامه ولسة مذهولة وحاسة انها

بتحلم ومش عارفة تتكلم او تفسر اللي قدامها بحاجة غير

انها تسكت وبس

خالد متابع مريم ومش عارف اي غيرها فأجاة؟؟؟؟؟؟

ندي- يلا طيب نروح مع يوسف ياطارق عقبال متتعامل

طارق- تمام ماشي بس احنا عاوزينك معنا

يوسف- منا هاجي معاكم بس هوصلها لواحد هنا تبعا

طارق- تمام هنسبقتك احنا

يوسف- اشوفكم هناك

.....

اسماء- *ياتري انت فين يا يوسف دلوقتي؟؟ انا هرن عليه.*

اي دا بيكنسل ليه دا؟؟

يوسف ماشي بيكلم نفسه* ليه اللي حصل دا؟؟؟ انا مش خلا
ص هتجوز وكل اموري اتظبطت؟؟؟ انا محطوط في اختبار
دلوقتي وانا مش عارف اعمل اي؟؟؟ استرها يارب*

وصل يوسف عند الميكانيكي صاحبه بلال

يوسف- بقولك يا بلال

بلال- اي ياكبير

يوسف- العربية دي محتاجة بنزين عاوزك تزودها وكمال فيه
حاجة بسيطة كدة في الشكمان صلحها وهاجي اخدها منك
كمال شوية

بلال- تمام انت تؤمر بس

.....

وردة- اي دا مين علي الباب؟ استني جاية؟ دا بيخبط كدا ليه
دا؟ لا وبيطبل كمان؟؟

طارق- وحش!!!!!! اني

مريم سمعت الخبر وانصدمت هي عمالة تتفاجئ فعلا طارق
مكدبش لما قال محضركم مفاجاة

خالد- لا طبعا هنيجي

طارق- اه قالي ربنا يتممله علي خير

وردة-يارب يا حبايبي

رن الجرس

وردة- اهو يوسف جه

مريم اول واحدة بصت علي الباب ، طارق قام فتح

طارق- لا متأخرتش

يوسف- او مال اي عيب عليك

وردة- انا عزمتهم علي كتب كتابك يا يوسف

يوسف بص لمريم ومريم بصت عليه وبعدين بعدت عينيها

عنه

طارق- طب احنا هنستأذن بقي عشان نلحق نروح

وردة- متخليكم قاعدين

ندي- فعلا مفاجاة حلوة يا طارق وانا فرحت واتشرفت اني

عرفتكم والله

مريم بتبوص علي يوسف- اه هي فعلا مفاجاة

خالد اخذ باله من الموقف بس لسة مستوعبش كل اللي

بيحصل دا؟

يوسف- طب انا هنزل اوصلكم

طارق- لا خليك انت

يوسف- هو صح كلمني وراكنك العربية تحت البيت

طارق- تمام ، شكرا يا صاحبي

يوسف- عيب عليك متقولش كدة بس ا بقي تعالي

طارق- طبعا هنيجي كلنا كتب الكتاب

يوسف- ان شاء الله

طارق- سلام

.....

طارق- اي يا خالد اشتغلت

خالد- اه كويس

طارق- ربنا يباركله يوسف

ندي- بس علي فكرة شكله كويس ومحترم ومامته ست

عسلية

طارق- طبعا يابنتي دنا علي طول كنت مع يوسف من

ابتدائي بس جينا في الثانوي وافترقنا هو اشتغل في ورشة

ابوه واحنا كمان عزلنا بس الصراحة ملاقيتش وقت اجي

اسال وحتى ساعتها كنت شاري الفون جديد والخط

ومكانش معايا ارقامهم

خالد- اومال الاميرة مريم مالها؟

حاجة كانت هتخرب! بس ازاي الصدفة اللي حصلت دي؟
وليه في الوقت دا؟؟؟*

رن تليفون يوسف

يوسف- ايوة يا اسماء

اسماء- اي يايوسف كل دا انا كنت قلقانة عليك يا حبيبي

يوسف فكر في اسماء واللي حصل النهاردة

اسماء- يوسف انت معايا؟

يوسف- ها؟ اه معاكي يا حبيبتني متقلقيش عليا

اسماء- ربنا يطمني عليك ديما يا حبيبي

يوسف- وميحرمني منك ابدأ

.....

خالد مستني مريم في الجامعة

خالد- اهلا اهلا ما لسة بدري

مريم- ازيك اياخالد

خالد- كمان ازيك ياخالد، لا مش دي مريم اللي اعرفها، ممكن

اعرف مالك ياهانم

مريم- بص انا هحكلك كل حاجة وانت عارف اني مبخبيش

حاجة عنك

خالد- تمام احكي

مريم- اسمعني للاخر طيب

خالد- ماشي قولي

وحكيتله كل حاجة من اول مروحت وشافت الرسالة لحد
المفأجة اللي كان قايل عليها طارق!!!

خالد-.....

مريم- اي سكت ليه؟

خالد- انتي لسة بتحببه صح؟

مريم- لا انا لو لسة بحبه كنت معرفتش احبك!

خالد- عينك كانت عليه يامريم وهو كمان انا كنت مركز
وشايف كل حاجة بس افكرته عادي انا بجد كنت غبي
مكنتش مفكر فعلا انه هو يوسف مع اني سمعت اسمه بس
مركزتش

مريم- لا ياخالد انا بس كنت مصدومة مستغربة من التوقيت
...و

قاطعها خالد- انتي قولتي انك بتحبيني عشان هو خلاص
هيكب كتابه ومش هتعرفي ترجعيله صح؟

مريم- خالد اي اللي انت بتقوله دا؟ انا بحكيلك عشان افهمك
واقولك سبب كل دا واني مش بخبي عنك حاجة!

خالد- خلاص يامريم انتي اعلمي اللي يريحك انا عاوز
سعادتك ولو حباني اروح اكلمه معنديش مانع

مريم- خالد ارجوك افهمني واسمعني انا كنت في حالة زهول
...و

قاطعها خالد- خلاص عادي حصل خير

مريم- مقصدش اجرحك!

خالد- هاها لا جرح!!!! جرح اي بس اللي بتقولي عليه!

متقلقيش خالص مفيش حاجة

مريم- طب اديني فرصة افهمك

خالد- انا سمعتك للاخر زي مقولتي وانتي خلصتي كلامك كله

، بلاش يا مريم تشرحي اكثر، انا هستاذن انا عاوزة حاجة

مريم- يا خالد اسمعني

خالد- ولا اقولك تعالي عشان اوصلك للبيت كمان معايا

عشان محدش يضايقك وياريت بس واحنا ماشيين

متفاتحنيش في الموضوع دا ثاني!

.....

مريم دخلت البيت

سعاد مبتسمة وبتبوصلها

سعاد- نورتي يا حبيبتني

مريم- ازيك ياماما عاملة اي؟

سعاد- ازيك يا حبيبتني

مريم- انا هدخل اوضتي

سعاد- ليه بس متخليكي قاعدة معانا

مريم- تعبانة والله ياماما شوية

رن جرس الباب

ريم- مين؟؟؟؟

مريم- انا مريم

ريم- قلبي اتفضلي

مريم- وحشاني عاملة اي؟

ريم- الحمد لله

مريم- بقولك هو خالد هنا؟

ريم- لا نزل

مريم- نزل!

ريم-قولي بقي كدا انك جاية عشانه

مريم- ها! لا ابدأ

ريم-او مال؟

مريم- طب هو راح فين؟

ريم- معرفش والله بس جه غير ونزل وكان مخنوق شكله

مريم- خلاص انا هرن عليه

ريم- يابنتي طب متخليكي

مريم- معلش هبقي اجي وقت تاني

.....

مريم بتكلم نفسها* طب وبعدين ياخالد هو صلك ازاي؟ ، اه

صح اكلم احمد صاحبه وهعرف اوصله، بس انا مش معايا
رقم احمد؟؟؟ لا منا مش هتصل بولاء واخده منها؟ انا
مبطيقيهاش!، بس انا عاوزه اوصله! امري لله*

مريم- الو

ولاء- اهلا اهلا

مريم في نفسها* اللهم طولك ياروح*

مريم- ازيك ياولاء

ولاء- الحمد لله انتي عاملة اي

مريم- الحمد لله

ولاء- مش غريبة المكالمة دي؟

مريم- صح انا بس كنت عاوزه رقم احمد بن عمك

ولاء- اي؟ اي؟ اي؟ وعاوزاه ليه؟ مكلمتيش مع خالد وعاوزه
تبلفي كمان علي بن عمي؟

مريم- انتي حقيرة علي فكرة وانا غلطانة اني كلمتك... سلام
وقفلت السكة في وشها

.....

احمد- اي ياخالد مالك؟

خالد- مفيش يا احمد

احمد- لا ازاي بقي دننا باين علي وشك كل حاجة

خالد- لا باين ازاي يعني؟

احمد- انت مبصيتش في المرايا ولا اي؟

خالد- احمد والنبى سيبنى انا هروح عشان بيكلموني في البيت

احمد- طب هسيبك علي راحتك ، بس خلي بالك علي نفسك يا صاحبي

خالد- خليها علي الله

.....

سعاد- اي يامريم هتفضلي واقفة في البلکونة كتير؟

مريم- لا اصل الجو حلو

سعاد- طب متدخلي يابنتي

مريم- شوية بس اهو وهدخل

مريم في نفسها* دا الحل الوحيد عشان اشوفه النهاردة ياماما ، لازم استناه واشوفه وهو جاي!!!*

خالد جه ودخل الشارع، شافته مريم

خرجت مريم علي باب الشقة عشان تكلمه وشافته طالع

مريم- خالد!

خالد-ايوة

مريم- انت كنت فين كل دا؟ قلقتني عليك؟!

خالد- مش مهم

مريم- لا مهم بقي، انت لسة زعلان مني؟؟

خالد- ادخلي عشان محدش يطلع فاجأة ويشوفنا
مريم- لا مش هدخل غير لما تجاوبني
خالد- وانا بقولك ادخلي!
مريم- لا لا مش هسيبك وادخل انا كل دا مستنياك!
خالد- خلاص نبقي نتكلم بعدين
مريم- بكرة هستناك في الجامعة
خالد- ماشي

.....

اسماء- فاضل يوم علي جوازنا يا حبيبي
يوسف- اه الف مبروك يا حبيبتني
اسماء- مالك يا يوسف كدا مضايق وحاسة ان فيه حاجة؟
يوسف- بصي يا اسماء انا هصارحك وهقولك لاني بحبك
وحاجة زي دي مينفعش تستخبي!
اسماء- قول قلقتني!
وحكي يوسف لاسماء علي كل حاجة
يوسف- وانا عند كلمتي ليكي وبحبك وهفضل احبك بس
الصدمة دي اللي ممكن مخلياني مش مركز كدا!
اسماء- انا متفهمة ومقدرة الموقف، بس علي فكرة لو حابب
ترجعلها والله مهزعل انا بحبك يا يوسف وبحب اشوفك
سعيد

يوسف- وانا عاوزك انتي ومش عاوز حاجة في دنيتي غيرك

اسماء- بتتكلم جد يا يوسف؟

يوسف- ايوة وانا عارف انا بقول اي لاني حبيتك انتي؟ انا
اكتشفت اني مكنتش بحب مريم انا شوفت فيكي انتي
الحنية والخوف والحب وكل حاجة ، انا مش بظلمها هي بس
لان احنا حبيننا بعض من مجرد كلام ولا شوفنا بعض ولا
حسيت ب اي حاجة وكنت مسميه حب بس بجد انا حاسس
ان انتي اول حب ليا واول تجربة ليا

اسماء- ربنا ميحرمني منك ابدأ يا يوسف ويقدرني واسعدك
اكثر ياروح قلبي

يوسف- يارب يا حبيبتني

.....

الفصل العشرين

مریم قاعدة مستنية خالد في الجامعة وبتكلم نفسها* ي
الهوي يا خالد كل دا تأخير؟؟؟ اما ارن عليه!..... بيكنسل
ليه دا؟؟؟*

ريم- اي يا خالد مش هتنزل النهاردة ولا اي؟

خالد- لا مش ورايا حاجة

ريم- مش تليفونك دا اللي بيرن؟

خالد- اه

ريم- طب متفتح

خالد- لا مش فاضي، علي فكرة ماما بتناديلك!

ريم- ماشي

خالد- واعمليلي شاي

ريم- حاضر

خالد دخل وضته ومعاه التليفون وبيكلم نفسه* لا يا خالد

مينفعش تعمل كدة لازم تروح انت متعودتش تهرب من
مشاكلك لازم تواجهها دا مش حل ابداء!!! انا هلبس واقوم*

ريم- الشاي ياخالد، اي دا انت لبست؟

خالد- اه اشربيه انتي انا نازل

ريم- رايح فين بس

خالد- اما اجي هقولك

.....

مريم بتكلم نفسها* هوووووف بقي يعني لا بيرد ولا جه و
الوقت عمال يعدي وانا كل دا مستنياه؟؟؟؟؟ انا هستني
اخري ربع ساعة وهقوم بقي انا تعبت؟ لا بس انا اللي غلطانة
انا هستناه حتي لو العمر كله هستني، خالد هيجي مش
هخيبي ظني ابداء!*

خالد وصل

مريم بفرحة- اي دا خالد!! كنت واثقة انك هتيجي

خالد- انا جيت بس عشان اعرف كنتي عاوزاني في اي؟

مريم- انا بحبك

خالد- وبعدين

مريم- صدقني والله انا فعلا بحبك، انا بحبك اوي، انا كل
حاجة جوايا بتحبك، انا عاوزاك معايا خالد

خالد- ودا من امتي الكلام دا؟

مريم- عندك حق عشان انا كت بخبي جوايا ياخالد
ومبصارحكش بمشاعري لانها عميقة اوي وصادقة ومش
بتطلع بسهولة، انا فعلا بحبك وهفضل اقولها وبحب فيك كل
حاجة ياخالد

مريم وهي بتدمع تتابع- بحب ضحكك هزارك خوفك عليا
غيرتك كلامك الامان اللي بحسه وانا معاك بحب رجولتك
طيبتك حنيتك بحب كل تفصيلا فيك

خالد شد مريم من ايديها لحضنه -بس انا قولتك قبل كدة
ان دموعك غالية عندي
ومسحها دموعها

مريم- متزعلش مني ياخالد انا مقصدش ازعلك خالص
خالد- انا عارف يامريم بس كنت عاوز اعرف غلاوتي عندك
انك فعلا بتحبيني زي مبحك ولا لاء

مريم- انا كلمة حب دي قليلة اوي بالنسبة ليك
خالد بعد مريم عن حضنه وباصلها- الله الله منتي حلوة اهو
ورومانسية وكلامك جامد

مريم ضحكت بكسوف وهي بتمسح دموعها -بس بقي الله
انا همشي

خالد- خدي بس رايحة فين، دنا مصدقت لقيتك يامريم،
وعمري مهسيبك ابدأ.

.....

خالد- لا لازم نروح

مريم باستغراب!!!!!!- ازاي بقي!

خالد- اولاً ادانهم كلمة ولازم نبقي قدها

مريم سكتت

خالد- عارف انك مش عاوزة تروحي وتشوفيه بل بالعكس
عشان تبيني انه مفيش حاجة واهو نرقص براحتنا وكفاية
اننا مع بعض ولا اي؟

مريم- صح كدا

خالد-طب يلا بقي اجهزي

مريم- ماشي سلام

.....

وردة- بسم الله ماشاء الله قمر

كريمة- زي القمر يا حبيبيتي

اسماء- ربنا يخليكم ليا يارب وميحرمنيش منكم ابدا

وردة- دا يوسف بيرن شكله وصل

كريمة- والله احسن حاجة اننا عملنا كتب الكتاب مع الفرحة

وردة - اه والله

وردة- ايوة يا يوسف انت فين يا حبيبي..... ماشي

هنطلعك اهو..... سلام

الكوافيرة- كدا عروستنا الملوة خلصت

كريمة- لولولولولولولولولولولولوي

وردة- لولولولولولولولولولولي

يوسف شاف اسماء خارجة بالفستان الابيض وجنبها وردة
وكريمة

يوسف- لا معلش انا اللي أنجش مراتي بعد اذنكم

وراح جنب اسماء وهمس في ودنها

- اي بس القمر دا؟؟

اسماء اتكسفت وبصت في الارض

وردة- انت ياواد انت بتقولها اي؟

يوسف- مراتي واقولها اللي انا عاوزه

كريمة- لسة كتابكم متكتبش

يوسف-برضه مراتي يلا زغرطو بقيييي

وردة- لولولولولولولولولي

وهوما خارجين من الكوافير لقو طارق بيزمرلهم بالعربية

بتاعته ومعاه ندي قاعدة جنبه وخالد ومريم ورا

طارق- عارسنا الحلو

يوسف- حبيبي يطاروووق

طارق- مكانش ينفع تفوتني الزفة

يوسف- طول عمرك جدع وصاحب صاحبه

الفصل الواحد والعشرون والآخر

وصلو القاعة

خالد- تسمحي لي بالرقصة دي!

مريم- طبعا طبعا

طارق- يلا ياندي

ندي-يلا يا حبيبي هو احنا مالناش نفس ولا اي

اسماء وهي بترقص مع يوسف

اسماء- صحابك دول جدعان ودمهم خفيف اوي

بص يوسف علي مريم ولقاها بترقص مع خالد

خالد- طب يلا عشان نروح نتصور معاها

طارق-يلا ياخالد يوسف بيشاورلنا

خالد- جايين

.....

كريمة- صحابه كويسين اوي

وردة- اه دا يعرفه من زمان اوي ومع بعض

كريمة-ربنا يسعدهم كلهم يارب ويفرحنا بيهم

وردة - يارب

.....

طارق همس في ودن يوسف

- طبعا احنا هنخرج بعد القاعة

يوسف- اي دنا هروح ع البيت

طارق- لا دي ليلة العمر مش هسيبك

يوسف ضحك بفرح

.....

ريم - ماما هو فعلا خالد هيخطب مريم

سحر- اه قالي وانا كلمت باباكي ووافق وان شاء الله هننزلهم

بكرة واتفقنا مع سعاد والحاج منصور

ريم- الله حلو اوي دا انا فرحانة جدا انا بحب مريم اصلا

سحر- فعلا مريم بنت كويسة وخالد برضه يستاهل
ريم- الف مبروووووووك ياخويا يالهوي بجد مش مصدقة

سحر- متسيحيش بقي

ريم- هههههههه حاضر

.....

مريم-خالد يلا نروح عشان تعبت

خالد-اشيلك يعني ولا اي

مريم -ياخالد بطل جنان بقي

خالد-ياحبيبتي انا مجنون اه بس بيكي انتي

هتلاقيني عاوز اعمل اي حاجة عشان اسعدك وافرحك

مريم -والله بحبك

خالد-لا بقي انا بحبك اكرر

مريم- لا انا اكرر

خالد-طب تيجي نشوف مين اكرر

مريم-يلا

طارق -اي بتعملو اي يلا مش هتمشو

ندي-اه يلا رجلي وجعتني ؛ الكعب عملي رجلي

خالد-طيب يلا

مريم -اه يلا

خالد همس في وذن مريم

-مش هشييك يعني

مريم ضحكت

ندي بصيتلهم -وماله برضه

طارق-اي يا حبيبتني

ندي- لا مفيش ياروحي

.....

سعاد- قومي يا مريم البسي حاجة حلوة كدا

مريم- ليه ياماما احنا خارجين ولا اي؟

سعاد-حاجة زي كدا بس جايلنا ضيوف

مريم -مين

سعاد- روحي بس

الحاج منصور- اسمع الكلام اللي امك بتقولك عليه

مريم -ماشي

.....

سحر- جاهز يا خالد

خالد- ثانية واحدة

عصام-خلصتو

ريم- اه يابابا انا جهزت

.....

رن جرس الباب

سعاد- افتحني يا مريم

مريم- م مروة موجودة وبعدين كلكم لابسين ليه

سعاد- افتحني وبطلي لماضة

مريم- حاضر

فتحت مريم ولقت خالد في وشها

مريم- اي دا خالد

سحر- ازيك يا مريم

ريم- ازيك يا مريم

مريم- ازيك يا ابلة سحر؛ ازيك ياريم؛ ازيك ياعمو عصام

خالد- مفيش ازيك يا خالد

الكل ضحك

سعاد- تعالي اتفضلو

مريم- انا مش فاهمة حاجة

خالد- ذكائك خارق ماشاء الله

مريم- يسلام

خالد- عم منصور تسمحي بس اعمل حاجة

الحاج منصور- اتفضل يا بني

خالد مسك ايد مريم قدام الكل
خالد- قدام اهلي واهلك ؛ تتجوزيني يا مريم؟
مريم- خالد يلا نروح عشان تعبت
خالد- اشيلك يعني ولا اي
مريم- يا خالد بطل جنان بقي
خالد- يا حبيبتي انا مجنون اه بس بيكي انتي
هتلاقيني عاوز اعمل اي حاجة عشان اسعدك وافرحك
مريم- والله بحبك
خالد- لا بقي انا بحبك اكر
مريم- لا انا اكر
خالد- طب تيجي نشوف مين اكر
مريم- يلا
طارق- اي بتعملو اي يلا مش هتمشو
ندي- اه يلا رجلي وجعتني ؛ الكعب عملي رجلي
خالد- طيب يلا
مريم- اه يلا
خالد همس في ودن مريم
-مش هشيلك يعني
مريم ضحكت

ندي بصيتلهم -وماله برضه

طارق-اي يا حبيبتى

ندي- لا مفيش ياروحى

.....

سعاد- قومى يا مريم البسى حاجة حلوة كدا

مريم- ليه ياماما احنا خارجين ولا اى؟

سعاد-حاجة زي كدا بس جايلنا ضيوف

مريم -مين

سعاد- روحى بس

الحاج منصور- اسمع الكلام اللي امك بتقولك عليه

مريم -ماشى

.....

سحر- جاهز يا خالد

خالد- ثانية واحدة

عصام-خلصتو

ريم- اه يا بابا انا جهزت

.....

رن جرس الباب

سعاد- افتحى يا مريم

مريم- م مروة موجودة وبعدين كلكم لابسين ليه

سعاد- افتحى وبطلي لماضة

مريم-حاضر

فتحت مريم ولقت خالد في وشها

مريم- اي دا خالد

سحر- ازيك يامريم

ريم- ازيك يامريم

مريم- ازيك يا ابلة سحر ؛ ازيك ياريم؛ ازيك ياعمو عصام

خالد- مفيش ازيك ياخالد

الكل ضحك

سعاد- تعالي اتفضلو

مريم- انا مش فاهمة حاجة

خالد- ذكائك خارق ماشاء الله

مريم- يسلام

خالد- عم منصور تسمحلي بس اعمل حاجة

الحاج منصور- اتفضل يا بني

خالد مسك ايد مريم قدام الكل

خالد- قدام اهلي واهلك ؛ تتجوزيني يامريم؟

مريم اتكسفت وبصت علي اللي حواليتها وعلي خالد

وعينها دمعت ومش عارفة تقول اي حاسة انها بتحلم
مش مصدقة اللي بيحصل والكل فرحان ومبتسملها
خالد- ها ولا ارجع في كلامي
مريم ضحكت واختلطت فرح قلبها بدموع وهزت راسها
باس خالد راس مريم
وريم ومروة زغروطو.....

النهاية